

大清律集解附例

捕亡

李懷法經有捕法魏名捕律北齊與斷
獄令名捕斷律後周名逃捕律隋復為
捕亡律唐宋元明至今不改

捕亡各律俱當察看

大清律集解附例卷二十七

秀水沈天易先生原註

武林洪弼緒皋山甫重訂

刑律

捕亡

應捕人追捕罪人

凡在應捕人承官差追捕罪人而推故不行若

知罪人所在而不即捕者減罪人犯罪一等

以嚴重之罪人為限三十日內能自捕得一

至減科之仍減罪應捕人追捕罪人

大清律集解附例卷二十七

刑律

日暇滿亦不能論決倘罪人遠逃終無獲
日何以科之罪疑惟輕似宜斟酌定擬從
輕發落仍為立案候捕獲罪人後若應從
重則依名例犯罪共逃係通計前罪以充
後數之法科之俟考

據主守不覺失囚者減囚罪二等給限一
百日此則該罪人一等止限三十日未獲
罪人反重於已禁之囚蓋彼是不覺而失
出於無心此則托故不行知而不捕猶之
故縱也

捕得一半以上雖皆輕罪所獲最重即止
一人皆得免罪如犯罪五人在逃內一人
犯死罪餘皆徒流以下或捕得徒流三人
或捕得死罪一人俱免罪若內有死罪
二人一新一缺獲新罪者科免獲絞罪者
不得免新絞罪不分等而輕重有異也倘
二人同係斬罪止獲其一亦不應免以與
最重之義不合也

半以上雖不及一半但所獲者最重功足贖罪皆

免其罪雖一人捕得餘人亦同若於限內雖未及捕獲

而罪人已死及自首各盡者亦免罪其罪人或死或

首猶不盡者止以不盡之人犯罪減等為坐其非

專應捕人臨時差遣者或推故不行各減應

捕人罪一等仍責限獲免其應捕受財故縱

者不給捕限各與囚之最同罪亦須犯有定

所受贓重於囚者計贓全以無祿枉法從重

論

受財故縱不給捕限者非謂即時論決謂不可令其贓罪追捕耳如同罪應至死者不且以追捕爲名脫逃漏網乎

各與因同罪各字指應捕與非應捕兩項人非謂承差數人各與同罪也按狂法賊各計入已之數無有從可分但名例不言皆者俱分首從此減罪人一等應捕捕人一等各罪俱應分首從則受財故縱當與相同故擬律總註曰仍分首從也名例受財故縱同罪至死者不減若止計入已之賊不分首從如數人受財故縱一死罪之人各與同罪則以一人之逃而致數人之死豈律意哉

應捕皆無祿人故註無祿人三字若上司差委職官緝捕有受財故縱者則卽有祿人矣

後徒流人逃與主守不覺失囚二律俱有不愛財而故縱者此獨不言者蓋上文托

專充巡緝之役原有追捕之責者爲應捕人謂凡有罪人皆應令追捕者也若承當該官司差遣追捕犯罪之人而假捏事故推託不行及明知罪人所在之處而不卽追捕雖本怠緩之咎已有故縱之心故照罪人所犯之罪減一等科之如罪犯有二人以上則照最重之人減科仍責限三十日勒令載罪追捕不獲然後決之若在限內能自捕得一半以上則以獲多爲功或雖不及一半但獲最重之犯則以獲重爲功不待全獲皆免其罪以功贖罪非特矜恕之仁亦卽捕亡之術也一人捕得餘人亦同功同一體均得免罪若不曾捕得或罪人已死或自首各盡而無一人不死不首者則無當捕之人矣亦得免罪如罪人死未盡首未盡則止以不盡之人爲坐從其罪之重者減一等科之雖死與自首至一半以上或最重之人已死已首並非

應捕人追捕罪人

或不行知而不捕卽是故縱之罪故不更
言止另論受財故縱之罪耳但彼故縱不
必受財卽與因同罪而此受財故縱始與
同罪不行不捕者得減罪人一等蓋此是
未經到官之罪人彼則已經定案在途在
獄之囚徒故重不同觀者皆稱囚人囚
徒罪囚而此獨稱罪人其義可見

如受財故縱者雖不給限能於未斷之前
自令親人或同差人捕得者得免故縱之
罪而仍科受財之罪名例稱與同罪律條
例云受財故縱擬絞者同監候決候逃囚
獲口審實謂其故縱之死罪而受財之
罪不可免也若囚已獲而賊重至死者似
應從寬

按今部議受財故縱與因同罪之案亦有
照至死減一等科斷不依名例者詳見後
主寸不寬失四條註

捕獲之功仍是不捕之咎也其不係巡
之役原無追捕之責者爲非應捕人
有罪人非彼應追捕者也但經當該官同
臨時差遣雖非應捕之人已受差遣之令
若前有托故不行知而不捕之罪後有罪
人已死自首不盡之罪各減應捕人罪一
等通減罪人二等以其非專役也其給捕
限與應免罪各項皆與應捕人同若有受
罪人之財故縱脫逃者不論應捕人非應
捕人俱不給捕限各與囚之最重者同罪
至死全科爲首應縱爲從減一等所受賊
重則各計人已之賊以枉法從重論受賊
之罪重則從受賊故縱
之罪重則從故縱也
按罪人若犯罪而未經定擬之稱囚者已
指定罪而未經論決之稱此條前之托故
不捕者曰減罪人罪一等後之受財故縱
者曰各與囚同罪分罪人與囚言之蓋有

深意罪人未獲捕人減科罪不至死可照
衆証明白卽同謀成之例以科之名例受
財故縱與同罪者全科至死不減則定招
之囚可科同罪招尚未定雖當同論應有
分別故前曰罪人後曰囚也蓋受財故縱
者係至死罪人未獲到官則死罪之真假
未定難以還科同罪如甲乙丙三人同謀
殺人甲造意不行令乙丙往殺乙下手殺
死丙不加功止獲甲乙捕人受財將丙故
縱甲不行未見乙稱丙殺已不加功則丙
本流罪而捕人坐絞矣又如趙錢二人同
謀行竊趙首錢從得財九十兩事主報爲
一百三十兩捕人受財將趙錢故縱則趙
錢本皆徒罪而捕人坐絞矣雖有先獲之
犯失事之人供報或不足憑豈可卽擬以
至死之罪似應監禁以俟捕獲罪人其流
徒以下之罪則又當卽據衆証論決至死
者人命爲重不可不慎未至死者尚法爲
捕亡 應捕人追捕罪人

重不應久稽也按名例同罪律條例云凡受財故縱與同罪人犯罪止擬絞者俱要因監緩次候逃因得獲審豁此正指已指定罪之因言之非未到官之罪人也然由緩決等候之義推之則此至死者當應監禁以候捕獲未可遽定其罪可無疑也同罪律舊條例又云其賣放充軍人犯卽抵軍罪謂充軍人犯確有證據不待捕獲耳然由卽抵充軍之義推之則此徒流以下應先據証論決又無疑

條例

一 隔屬隔省密拏強盜及人命案內應擬斬絞重犯有縱令劫奪及徇庇不解其該管官題叅解任如在隔省移容會叅解任俟獲犯審

明具題開復該管之鄉地甲鄰嚴拏究治若
本無搶犯狗庇等弊而捕役賄縱捏稱被劫
者將捕役照誣告律治罪原叅之員卽行開
復誤聽捕役之員交部議處

一步軍統領衙門番役祇許於京城內外五城
所屬地方緝拏人犯既經拏獲屬提督管轄
者限卽日送該管營弁轉送提督衙門屬五
城管轄者限卽日送該管官轉送御史衙門
如稽留數日始行送官將番役究明私拷勒

素情弊分別定擬如有得財縱放照衙役犯
贓例治罪其地屬州縣者行文州縣會差擒
捕或有密拏要犯州縣不能擒捕必須番役
擒捕者奏聞請

旨後行

一脫逃要犯務將該犯年貌籍貫有無孱疾詳
細開明行文通緝各州縣於文到之日差捕
認緝一面填寫印票分給各鄉總甲通行訪
察如果緝緝無踪年底出具印甘各結轉詳

咨部仍令接緝務獲知照銷案

一緝捕強盜人命或關係緊要案內人犯如有
逃逸一面行文八旗並提督五城協力緝捕
一面牌行直隸附近京城之涿州良鄉通州
昌平河間等處州縣部文到日卽行捕緝再
行補報督撫

一凡王公等之幸者庫家人等有犯命盜重案
脫逃者該衙門查拏之時卽行文知會伊主
協同捕緝一年限滿不獲將辦理包衣事務

官交部議處其該管王貝勒貝子公等各罰俸一個月未獲逃犯仍照案協同緝拏

一五城司坊等官若於途次遇有兇徒不法等事不論何城並准當時拘執錄取口供詳解該城御史審訊一面報明本城御史存案其有曖昧隱避等事亦許密詳該城御史查拏仍密詳本城存案造冊送院註銷倘該役借端訛詐駕詞妄稟及司坊官擅作威福拘拏白審或縱役滋擾該御史題參分別議處治

重囚曰犯罪逃走拒捕者曰毆人折傷以上者曰殺人者凡二項乃罪人之正律
次而曰格殺者曰逐殺者曰自殺者凡三項則言追捕人無罪之事也 宋律曰已拘執不拒捕而毆殺傷者曰本犯應死而擅殺者凡二項則言追捕人有罪之事也
拒捕毆人止言折傷以上則片不至折傷者皆止科加二等罪矣

罪人拒捕

罪若押坊捕役因非本管地方明知故縱及有受賄情弊嚴加治罪大死二縣亦不論五城及該縣所屬遇有兇犯不法等事亦一體緝拏

凡犯罪

事發而

逃走

及犯罪雖不逃走官司差人追捕有抗

拒

不服

捕者各於本罪上加二等罪止杖一百流三

千里

本應死者無所加

毆

所捕人

至折傷以上者絞

監候

殺

所捕人者斬監候

為從者各減一等○若罪人

毆至折傷即生殺罪雖惡其更頑而法亦重矣然必是犯罪之人實因拒捕抗法逞兇者方是若本無罪被人誣告差人需索不遂凌虐不堪一時忿激而毆或差人先毆因而還毆致有折傷者自當別論人命至重差人之庸愚不足恤也

關毆律有拒毆毆人之條與此相似而不同彼是追征舊糧勾撥公事非有罪之人也故止言拒毆之罪此條片是犯罪之人如被告不法盜情發露之類故就本罪加等科之也若罪人親屬及子連人拒捕者則本無罪化之人也依拒毆追緝條科之

伏謂其仗殺人之器也格謂格鬪殺人之事也持仗拒捕其心匪測至於兩相格鬪則性命呼吸非彼則此故毆殺弗論追逃連因情急事迫勢不能從容擒獲因而殺之外逃之不及放箭射殺之類故亦參論

持仗拒捕其捕者格殺之及在禁或押解已開結之囚

逃走捕者逐而殺之若囚因追窘迫而自殺

者不分因罪應死不應死皆勿論○若囚雖已就拘執逃走

及罪人雖逃走不拒捕而追捕之人惡其逃走殺之或折

傷者此皆因之各以鬪殺傷論若罪人本犯

應死之罪而擅殺者杖一百以捕亡一時忿激言若有私謀另議

凡犯罪之人事發到官差人勾捕之時或逃走而不聽勾攝或抗拒而不服追捕是已犯罪而又行逃走拒捕之罪矣故各於本罪上加二等罪止杖一百流三千里所謂加者不加至於死也其本犯死罪自依常律因拒捕而毆所差捕之人至折傷一

管自設謂度不能逃也追無奈何也水
投崖或以不自盡也曰持仗三拾日囚曰
逐曰追捕者自設皆然字眼

罪人持仗拒捕乃許殺殺四則逃走即許
逐殺若罪人逃走不拒捕即拒捕不持仗
者皆不得如囚之逐殺弗論也若罪人逃
走因追捕者迫而自殺者亦應勿論
已就拘執及不拒捕則與捕人無犯矣雖
有罪犯以捕人視之猶平人也乃以追捕
之勢遂其竟暴致有殺傷故以開殺論至
死全科彼之罪不應死則人命不可無抵
也

註曰以捕亡一時忿激而言最得律意四
雖已就拘執罪人雖不拒捕而先實有逃
走之情因此忿激於拘執之後追捕之時
如其應有死罪即擅殺之故罪止滿杖擅
殺字義如此與上之殺傷不同

若捕人與逃囚罪人有仇或受人指使或

齒以上者殺殺人者斬以其頑梗抗法復
逞兇強也為從者各減一等統承上言逃
走拒捕為首加本罪二等從則止加一等
折傷殺人為首絞斬從則杖一百流三千
里也○若罪人持仗而拒捕必有逞惡之
意捕之者既不可退避則鬪格不得不力
於以殺之勢之不得已也已經問結之囚
在禁及解解之時脫繫而逃走捕之者既
不可寬縱則追逐不得不急於以殺之亦
勢之不得已也若囚被追逐窘迫不能脫
逃因而自殺則非追捕者之過也不分所
犯輕重皆勿論○若逃走之囚已就拘執
則不至於脫去逃走之罪人並不拒捕則
不難於就擒而追捕之人猶惡其逃走而
殺之或毆至折傷者是無故而殺傷矣故
各以同殺傷論殺者絞折傷以上者傷科
斷為絞減一等各字承已拘執不拒捕兩
項然此皆指囚與罪人犯該徒流以下之

詐財不遂而殺之者各依謀殺本法不在此限故註曰若有私謀另議

若罪人不逃走不拒捕為捕人凌虐因而自殺者自有威逼致死本律

未在本律曰罪人已在某日因各律多以此字義為分別如本條罪人持仗拒捕若因逃走是也然本律前條云受財故縱者各與同罪則罪人即因受後知情藏匿罪人條不另言逃囚之罪則因兼罪人矣此條云罪人本犯應死者因即統在罪人之內又有不可拘定者然分別處多互通處少

罪者也若罪人本犯應死之罪而追捕之人別無他故止囚一時忿激而擅殺之者杖一百按擅殺止杖一百之法本為捕亡者而言然必罪人有逃走之情捕人別無私意之事方擬比律在常人不得引用也觀獄卒凌虐罪囚至死者絞罪囚之中固有應死者矣何以概曰絞乎又死罪囚令人自殺者下手之人以鬪殺論既曰死罪囚矣何以又曰以鬪殺論乎以此推之常人擅殺死罪之人自當另論也按此條以罪人拒捕為題無逃走字是所重者在拒捕也拒捕之意本為避罪逃走拒捕應一串講若謂逃走與拒捕是兩項則律文逃走下應有一及字今無及字是串講無疑註內雖有及犯罪雖不逃走云云似屬分講此係後來增入未可與正律同論讀法須知曰此加二等各以所犯之罪言非謂但逃走雖不拒捕亦加二等也

按脫監越獄在逃止加二等而名例自首條內事發在逃下又註明越獄在逃及逃在未經到官之先者本無加罪等語則此未到官先逃走並不拒捕者不在加等之限明矣若謂下文各字是分指逃走拒捕兩項則應云各加本罪二等今云各於本罪上加二等是言所犯之各罪獄囚脫監條亦云各於本罪上加二等註以笞杖徒流爲各本罪此可証也本條論拒捕不拒捕甚詳而逃走字止於篇首一見後但言在禁及押解之四逃走不復言罪人逃走之事下於不拒捕而殺之者註曰罪人雖逃走又曰追捕之人惡其逃走以此推之拒捕不拒捕皆兼逃走言之矣逃走與拒捕各加二等則逃走而又拒捕者何無加重之法蓋通篇論拒捕不拒捕之事俱帶逃走在內逃走止是躲避之過安可與拒捕之強悍不決者同日而語逃走輕拒捕

重雖不逃走而拒捕亦得加二等之罪即逃走而又拒捕亦止加二等之罪逃走而不拒捕則應止科本罪

條例

一凡罪犯業經拏獲捕役借稱設法制縛誤傷其命者仍照已就拘執而殺之律以鬪殺論倘捕役受人賄囑將罪人致死者照謀殺人首從律治罪

一強盜拒捕殺傷官兵之案除同夥傷人之時該犯不在一處者仍照例擬罪外其同在一

獄囚脫監及反獄在逃

處或三五成羣雖非下手之人既在月觀
即係同惡共濟法所難寬即行斬決

凡犯罪被囚禁而脫監及解脫自帶鎖紐越獄

在逃者

如犯笞杖徒流

各於本罪上加二等

如囚自行

脫而竊放

同禁

他囚罪重者與

他囚罪重者

同罪

並罪止杖一百流三千里本犯應死者依常

律○若罪囚反獄在逃者

無論犯人原罪之重輕但謀助力者

皆斬

同牢囚人不知反

情者不坐

反情者不坐

脫監越獄皆因獄卒之不覺乘間竊出猶
畏人知也反獄則倚恃兇強公然作反故
謂反獄者以打開監門殺傷獄卒為據致
脫監越獄之情形迥異猶盜之強與竊也
脫監須已出門外越獄須已出牆外乃坐
加二等之罪若雖脫鎖紐猶遠近觀望未
出未出未便即議加等
竊放他囚亦必已極出外乃坐他囚雖為
人放同有脫逃之心亦各于本罪上加二
等
反者自內而出之謂也係同禁囚共謀之
事若外有接應之人則別囚矣

反獄重情事必秘密非係共謀孰肯輕爲
故同囚不知情者不坐舊解謂同年之囚
難言不知有不助方不告發等議其說甚
認不可從也

同囚先不共謀亦不知情反獄者開放按
逃不得同坐皆斷

此條止言脫監越獄反獄囚犯之罪而徒
卒等則後另有立奇失囚律

條例

從門出者謂之脫監踰垣出者謂之越獄
凡犯罪之人已被囚禁在監而乘獄卒之
不覺私自脫監而出及解脫自帶鎖紐暗
行越獄而出此在逃者各於原犯本罪上
加二等科之因而竊放他囚一同脫監越
獄他囚罪重於已者則與囚同罪竊放重
罪之囚卽抵所犯之罪也並罪止杖一百
流三千里並字承上加二等及與囚同罪
前項言本犯應死自依常法無可加也○
若破禁罪囚有恃強恃衆逞兇奮擊公然
奪門自獄中反出而在逃者不分首從皆
斷同年囚人不知謀爲反獄之情者不坐
再犯罪未決起解中途在逃及自脫鎖紐
在逃亦依此律加等若犯人雖脫鎖紐尚
未逃出則止依
自脫鎖紐律

一各處監獄俱分建內外兩處強盜并斬絞重
犯俱禁內監軍流以下俱禁外監再另置一
室以禁女犯

一獲犯到案并解審發回之時州縣官當堂細
加搜檢無有夾帶金刃等物方許進監並嚴
禁禁卒不許將磚石樹木銅鐵器皿之類混
行取入如有買酒入監者將禁卒嚴行責治
一凡殺人盜犯及未殺人之首盜與傷人之夥
盜原擬斬梟及斬決若越獄脫逃被獲者並

於本地方斬決梟示其未殺傷人之夥盜原
係擬斬免死發遣之犯如越獄脫逃被獲者
於本地方擬斬立決若因越獄殺傷兵役者
亦擬斬梟示其外省越獄及在途脫逃盜犯
被別省拏獲卽令拏獲之地方官審報該撫
具題刑部查明原卷奏

聞行令拏獲之地方立決其從部刺字發遣在途
用酒灌醉用藥迷倒解差乘間遠颺者該地
方官報部亦行令拏獲之地方擬斬立決若

因脫逃殺傷兵役者斬決梟示其疎縱之該
管官照例議處刑書宗卒有無賄縱與不嚴
加肘鎖少差兵役及差非正身以致中途脫
逃者地方官及兵役照例議處治罪

一拏獲越獄人犯務究通線與剃頭並代爲鎖
燬刺字情弊通線之人與囚同罪至死者擬
絞監候其代爲剃頭並銷燬刺字之人俱枷
號兩箇月賣四十板

一人越獄半年內自行投首者仍照原擬罪

名完結如同夥越獄多人有一人於限內投
首供出同夥於半年內盡行拏獲者將自行
投首之犯照原罪減一等發落倘供出之同
夥內尚有一二人未獲者亦仍照原擬罪名
完結如係有服親屬拏首者亦照本犯自首
之例分別完結

一在監斬絞人犯如有強橫不法及賭博等事
杖一百仍嚴加鎖鑰俟秋審分別定擬知情
故縱之禁卒照開局窩賭例杖一百徒三年

提牢官失於覺察獄官故為徇隱交部分別
議處軍派等犯有犯亦照此問擬

徒流人逃

此係專論徒流遷徙及充軍逃走皆是已
經斷決之囚也首節言在配所逃走之罪

次節言在中途逃走之罪末節因及
主守等不覺失囚與故縱受財之罪

三流遷徙充軍人犯重於徒罪而逃走之
罪相同徒別從新拘役遷流止仍發配而

已逃徒之罪反重蓋遷流終身不返徒則
限滿可歸故獨嚴之

前節徒囚是徒罪之囚此節囚徒是就徒
流遷徙充軍言之猶曰囚犯也

逃囚自首還歸者應免其逃走之罪仍發
配所徒囚亦不從新拘役准將役過月日

凡徒流遷徙充軍囚人

已到配所

役限內而逃者

一日笞五十每三日加一等罪止杖一百仍

發配所其徒囚照依原犯

該徒年分

從新拘

役役過月日並不准理○若官起發已經斷

決徒流遷徙充軍囚徒未到配所中途在逃

者

其計日論

罪亦如

配所限內之

○配

主守及

刑律捕亡

徒流人逃

十二

或與或謂應照名例自首律逃叛自首還
歸者減二等但彼是逃避山澤與叛同論
者與此不同應免罪為是

此不覺失囚與押解罪囚中途不覺失囚
者其事相同而科罪各異蓋此是已經斷
決之囚徒彼是未經斷決之罪囚也說見
主守不覺失囚條

各與囚同罪此各字指配所之主守提調
官與途中之押解人長押官兩項而言皆
罪坐所由如配所主守故縱徒囚則坐徒
罪提調官不知仍坐不覺減三等律如途
中長押官故縱流囚則坐流罪押解人不
知仍坐不覺杖六十律計內不分官徒云
者謂不分是官是役但故縱者即與同罪
非謂官役並坐也

或謂同役押解失囚者當分首從然兵律
有起解官物囚徒同差人自相殺放若平
有損失者亦依損失官物及失囚律追奪

押解人不覺失囚者一名杖六十每一名加

一等罪止杖一百皆聽一百日內追捕配提

調官及途中長押官減主守及押解人罪三等

限內能自捕得或他人捕得若囚已死及自

首皆免罪故縱者不分各與囚之徒流同

罪受財者計所受贓以枉法從重論贓罪重以

縱罪重仍以

故縱科之

役限者囚人之拘役年限也惟徒罪有之

三流遷徙充軍人俱無應役之限而徒流

遷徙充軍並言者以計日論罪仍發配所

之法同也凡已到配所三流遷徙充軍人

不在獄等之限出此推之則不應分百程
於其同差內有典守之責失日皆是無心
之過首從亦無可分若故縱之事必有所
主故縱之情必有所因自當分別首從受
財則各計入已之贓原無首從之法但贓
重至死為從者應減一等仍分首從說見
應捕人條

枉法贓滿數有祿人八十兩無祿人一百
二十兩即坐官級各例受財故縱與因同
罪者至死不減此條正犯無死罪而受財
故縱者至有死罪矣蓋枉法定為實縱以
嚴貪婪之罪而別條以枉法論者亦不
寬也

按至守不覺失因條內故縱者不給捕限
各與因同罪未斷之間能自捕得及他人
捕得者因已死及自首各減一等本條故
縱相同而無此段似應比照料斷俟考
殺受制於官者也若提調長押官受財故

不拘何時徒罪人於役限未滿之日而逃
者並計日論罪一日笞五十每三日加一
等罪止杖一百則十六日以上也論決後
仍發原配所收管流徒充軍者惟依法留
住充伍其五等徒因照依原犯應徒之年
限從新拘役從前役過月日不問久近並
不准理過算如原犯徒三年已經役過二
年逃走者論罪外仍徒三年以發到配所
日為始其役過二年皆不算也又有流罪
應加徒役者如役限內逃者亦照徒因計
算補役留住○若徒流遷徙充軍之囚徒
已經斷決起解發遣之後尚未到配所中
途在逃者亦如上一日笞五十每三日加
一等罪止杖一百○至守即配所管囚之
人押解人則官司所差解囚之役也提調
官即配所監臨之官長押官則官司所委
管領解囚之官也配所有提調官及至守
在途有長押官及押解人至守與押解人

總則主守押解人勢不能禁其非受財固
無若止科不應此說亦是存以俟考

其責尤專故以爲罪首不覺失囚者一名
杖六十每一名加一等罪止杖一百提調
與長押官減三等一名答三十每一名加
一等罪止杖七十給限一百日追捕限內
不獲然後決之但在限內不論自己他人
捕得若囚已死及自首主守押解人提調
長押官皆免罪不覺失口不過疎忽之咎
原非有心囚徒已得已死可得原免也有
心故縱者或官或役各與所縱之囚同徒
流遷徙充軍之罪不知故縱之情者仍坐
不覺本罪受財而故縱者各計入已之贓
以枉法從重論受財之罪重於故縱則以
贓論輕則仍以
囚人之罪罪之

條例

一凡間發充軍人犯逃回原犯實犯死罪免死

充軍者照免死減等發遣人犯逃回例分別
有無行兇爲匪定擬若係雜犯死罪以下充
軍者初犯枷號一箇月仍發本衛再犯枷號
兩箇月調極邊衛若犯至三次者枷號三箇
月調發烟瘴充軍其有在逃遇

赦者不分初犯再犯三犯俱免枷號仍發原衛

一凡發遣黑龍江寧古塔等處人犯逃走若拏
獲時有拒捕者查明該犯係免死減等發遣
或係平常發遣人犯各照逃走後復行兇爲

匪例分別定擬

一凡行兇發與披甲人爲奴之犯伊主或給親戚或親携來京或差做買賣來京永行禁止若伊主搬移來京亦留下另給披甲之人爲奴

一凡在京問擬徒罪人犯除順天府所屬民人仍令府尹發配外其餘各省民人俱遞回各該督撫照伊原籍應發地方發配充徒俟年限滿日交原籍地方官管束若係強竊盜及

光棍案內之犯不許出境倘有私自出境依不應重律杖八十其管束不嚴之地方官交部議處仍令五城大宛二縣并巡捕營嚴行查拏倘有前項人犯容留京城潛住發覺者將地方官交部議處總甲人役并知情容留之房主各依不應重律杖八十如有旂人容留居住將知情容留之房主若係另戶并族長若係家人并伊主及領催各鞭八十該佐領驍騎校交部議處

一流犯在配所脫逃一面移咨原籍地方勒限查緝一面令配所該管官懸立賞格勒限一百日嚴緝將該犯拏獲到案時先發布政司枷號兩箇月責四十板再加徒役三年其看守之保甲斥革免罪如逾限不獲一名者將保甲照不應重律杖八十每一名加一等罪止杖一百該管官并兼轄官俱交該部分別議處其流犯原籍地方亦令懸立賞格勒限嚴緝如該犯之族長保甲房主隣佑人等查

出舉首者免罪若知情容隱或經旁人首告
或被別處拏獲將原籍容隱之族長保甲房
主隣佑俱照不應重律杖八十如原籍地方
及別省將該犯拏獲亦解原發配之布政司
枷責加徒

一原犯流罪人犯初次脫逃枷號一箇月責四
十板加徒役三年二次脫逃者枷號兩箇月
責四十板加徒役四年三次脫逃者改發邊
衛充軍若係免死減等流犯初次脫逃者枷

號兩箇月責四十板加徒役四年二次改發
邊衛充軍三次調極邊衛充軍

一在川流民犯罪遞回原籍復逃至川者如無
爲匪照逃人例杖一百遞回原籍如有爲匪
所犯在杖一百以下者並杖六十徒一年如
所犯在徒一年以上者各照所犯之罪加一
等問擬其遞回原籍之時行文原籍地方官
嚴行管束如有復逃入川及川省該地方官
將逃回人犯失察容隱俱按逃回名數交部

議處其原籍地保人等若於該犯出境之時
隨即呈報在一百日限內或經該管官拏獲
或經別處拏獲俱准免罪逾限不獲將地保
照因人連累致罪例減罪人罪二等發落倘
有知情隱匿者與犯人同罪罪止杖一百受
財故縱者以枉法計贓治罪其川省之地保
人等如有知情受賄等弊亦照原籍地保分
別治罪

稽留囚徒

刑律 捕亡

稽留囚徒

因稽留而致逃非有心故縱之比乃至前抵本犯徒流還徙充軍之罪并不給捕限反重于故縱矣其嚴如此律止曰官吏抵犯人本罪並無分別如一犯稽留在逃無將官吏一同發遣之理故註曰官住俸吏抵逃罪然下文又曰並罪坐所由則或官或吏應罪坐所由疎脫之人矣疎脫之由在于主守主守而專責官吏以在逃由于稽留也稽留之罪官吏所同何以分其所由上文曰限外無故稽留既無事故必有私情于此可以推究官吏之所由矣後有受財之文則此律意可知否則官吏不過一疎忽之咎何至若是之嚴耶如推究無私則罪坐于吏凡官吏同犯者皆以吏為首主掌文案而不依期請遣因其罪也當依註吏抵逃罪官止住俸或吏請而官不行則官必有私矣當罪坐所由俟考罪坐所由一則實而後各條主守官吏押

凡應徒流還徙充軍囚徒斷決後當該原官司

限一十日內如原法式鎖紐差人管押牢固

關防發遣所擬地方交割若限外無故稽留

不送者三日笞二十每三日加一等以吏為首科斷

罪止杖六十因稽留而在逃者就將當提調官

住俸勒限嚴捕吏抵在逃犯人本罪發遣候補獲犯人

到官替役以至配所日疎放○若隣境官司

遇囚逃到稽留不即遞送者罪亦如之稽留者驗

日坐罪致逃○若發遣之時提調官吏不行者抵罪發遣

解人等之通例而此則言當該提調官更與佐貳首領無涉也解者謂同署文案內有公出者不坐殊謬又謂所由經手之人天當該提調官吏豈有不經手者何從分別應以官吏有私無故請留不發遣不送及積祖不如法因而在逃由于官則坐官由于吏則坐吏下印曰受財者云云其義可見

枉法以入己之數科罪若官吏同受財賊罪皆輕于本罪則以重者抵充輕者止科賊罪

如法鎖担以致囚徒中途解脫自帶鎖紐在

逃者與押解失囚人同罪分別官吏罪止杖一百責限擒捕

○並罪坐所由疎失受財者計贓以枉法從

重論統承

徒流遷徙充軍囚徒既已斷決便當依期如法發遣若限外無故稽留則有淹禁之咎故按日科罪罪止杖六十則十六日以上也因而在逃雖無故縱之情實由稽留所致故將官住俸勒限嚴緝吏則抵坐犯人本罪或徒或流或遷徙或充軍候捕獲犯人到官發配替役始疎放無故字最重如有故而稽留則應弗論不在此限○隣境解囚到日應卽遞送若無故稽留亦科按日之罪因而在逃亦抵本犯之罪○囚

徒得以解脫鎖紐而逃者由於官吏不行如法鎖紐故也須重看以致二字官吏不如法之罪與押解人不防範之罪相等故與同罪押解人罪即前條一名杖六十每名加一等罪止杖一百既曰同罪則給限聽捕得因免罪皆同矣○末節並字通承上言稽留不發遣不遞送及不如法鎖紐因而在逃者並罪坐所由疎失之人也若受財而不發遣不遞送不如法在逃者則計入已之贓以枉法從重論贓罪重從贓輕則仍從本律

條例

一秋審人犯解省之時俱令各州縣徑行解司仍報明該管各府審後亦即由司給發護牌

此條與脫監反獄條正是一事彼專言囚
罪此專言主守罪也

不覺失囚是因因獄卒之疎忽乘間私竄
而出獄卒初不知覺也若有知覺便是故
縱矣反獄是因欺獄卒之不敵行兇打奪
而出獄卒不能禁制也若能禁制亦是故
縱矣

變自內作故曰自內所以別于判囚之自
外入者也

應捕人追捕條內托故不捕罪人者止減
罪人一等給限三十日此減二等給限一
百日以彼近于故縱而此由于不覺也彼
捕得一半以上及獲最重者皆得免罪此
獨不然以彼非在禁之囚而此有典守之
責也假如重罪囚已捕已死已首而輕囚
未獲仍依未獲輕囚之罪減二等四等坐

分發各州縣收禁仍彙文行知各該府

主守不覺失囚

凡獄卒不覺失囚者減囚

原犯

罪二等

以囚罪之最重

者為

若囚自內反獄在逃又減

不覺

二等聽

給限一百日

戴

追捕限內能自捕得及他人

捕得若囚已死及自首

獄

皆免罪司獄官典

減獄卒罪三等其提牢官曾經躬親逐一點

視罪囚鎖杻俱已如法取責獄官獄卒牢固

收禁文狀者不坐若

提牢官於該日

不會點視以致

之

司獄官與官是司獄司官典則刑房吏典
亦司獄官吏也

提牢官不坐者須盡躬親點視鎖枷如法

取收禁文狀三事而下止云不曾點視盡

既不點視則鎖視之如法不如法自未會

見離取文狀亦不足為故不必盡言也

各與同罪上註官役二字謂官故縱則官

與同罪役故縱則役與同罪非官役並生

也即同為故縱亦分首從

名例受財故縱至死全科止坐絞不坐斬

而為從仍減一等枉法贓滿數有二人以

上者為首故為從亦減一等與官吏受贓

之科法不同者仍盡故縱本法也說見應

捕人條

康熙十一年三月刑部覆東撫題賊犯王

坤遂獄將受財故縱之獄卒馬和春等擬

絞本部以本律獄卒故縱受財者計贓以

失囚

反

者與獄官同罪

若提牢官獄卒官典

故縱者不

給捕限

官役

各與囚同罪

至死減等罪雖坐定若

未斷之

間能自捕得及他人捕得若囚已死及自首

各減

囚罪

一等受財

故

縱者計贓以枉法從重論

○若賊自外入

獄

劫囚力不能敵者

官役

免

罪○若押解

在獄

罪囚中途不覺失囚者罪亦

如之

如獄卒減二等仍責限捕獲免罪如有故縱及受財者並與以同罪係劫者免

利

獄卒是主守之人若怠惰疎忽不覺察防範致因脫監越獄而逃失者減囚原罪之

枉法從重論和春止受錢三百文不至死
罪改依獄卒故縱者與囚同罪至死減一
等應責四十板流三千里云云止依本律
而不用名例或原其贓輕而矜之也
中途不覺失囚不言責限免罪故縱受財
及被測等項並皆補出可依以擬斷

刑律

罪二等所失囚多則照囚之最重者減科
不覺雖出無心失囚不能辭咎也若囚自
內作反恃強逞兇公然奪門而出反獄在
逃者雖非獄卒所能禁禦然亦防守不嚴
有以致之故又減二等通減四等聽給限
一百日戴罪追捕限滿不獲然後論決減
等之罪限內能自捕得或他人捕得若囚
已死及自首各盡者不分失囚反獄獄卒
皆得免罪已無漏法之囚可免疎脫之罪
矣司獄官典減獄卒罪三等如失囚則通
減囚罪五等反獄則通減囚罪七等限滿
不獲方坐其已捕得及囚已死自首亦皆
免罪其提牢官點視諸事無缺者自不坐
若於罪囚不曾躬親逐一點視以致失囚
者與獄官同罪失囚兼反獄者言以上皆
自無心之失言之若有心故縱者不給捕
限各與囚同罪至死減一等各字指獄卒
司獄官典提牢官而言罪坐所由故縱之
情亡 主守不覺失囚

人不知者應仍坐不覺本罪雖不給捕限
卽擬與囚同罪然未斷決之間能自捕得
或他人捕得若囚已死及自首各盡者故
縱之人各減囚罪一等雖囚罪至死亦止
減一等以其先實故縱後雖得獲僅可寬
其與囚同罪之一等耳此爲故縱而不受
財者言之若因受財而故縱者各計入已
之贓以枉法從重論贓罪重於故縱以枉
法科之輕則仍從故縱至死者依名例不
減坐絞○若賊人謀爲劫囚自外入獄自
必聚集同黨執持兵仗其勢兇橫卒然舉
發官役力不能敵則非疎防之過也故免
罪○若在獄罪囚承差押解赴審於中途
不覺失囚者亦加上獄卒之罪科之減囚
罪二等故縱受財並與獄卒同科按徒流
人逃條內已有押解人不覺失囚之罪一
名杖六十每名加一等罪止杖一百此則
止減囚罪二等不言罪止則囚罪有至死

者減罪有坐滿徒者矣其事則同其罪有異蓋前之徒流遷徙充軍人楚已決斷者共獄已成其事已結但押發配所耳此押解罪囚中間或未經斷決或向候追贓或停囚待對或案候歸結且死罪重囚俱在內實與起發已斷決之徒流遷徙充軍者不同也

條例

一凡押解人犯中途脫逃者短解及護送管兵俱照長解治罪

一凡發遣黑龍江寧古塔等處人犯沿途官員親身不行押解交與兵丁解送或不謹慎看

此條專言凡人若係親屬及奴婢雇工人
則有勿論及減三等減一等之法當照名
例親屬相為容隱條不用此律以非親屬
之註景明凡未在本禁日罪人已在本禁日因
此通例也本律云犯罪事發官司差人追
喚故通篇皆稱罪人不及罪囚然如脫監
越獄押解中途在逃之囚有人知情藏匿
指引資給畏轉相送又如官司訪知逃囚
所在將往追捕有人知而漏泄致得逃避
俱可引用此律而本律則皆言不到官者
也
此條律意頗嚴比故縱禁囚之同罪者止

守以致罪人逃脫者官交部嚴加議處將兵

丁照律治罪再加枷號一箇月

一枷號人犯脫逃看守人役亦照律擬斷

知情藏匿罪人

以非親屬及罪人未到官者言

凡知

他

人犯罪事發官司差人追喚而

將犯罪人

藏匿在家不行捕告及指引

逃所道路資給逃

衣糧送令隱匿

他

者各減罪人

所罪一等

各

指藏匿指引資給說○如犯數罪藏匿人止

知一罪以所知罪減等罪之若親屬糾合外

人藏匿親屬雖免罪減等外人仍科藏匿之

罪其事未發非官司捕喚而藏匿止問不應

此知情藏匿罪人與別條故縱者皆言罪人
人已死自首不言過赦原免以名例內知
情故縱聽行藏匿引送等項皆在常赦不
原之數也然名例所言亦謂罪人所犯是
十惡之人等重情原在不赦之條者故亦
不得原免若罪人所犯應得原免而知情
藏匿豈有不免之理

罪人自首止得免其加逃之罪而本罪不
免可以照科同罪若罪人已死則罪尚未
定非眾證明自確然無疑者當斟酌論之
箋釋云赦前藏匿罪人不合赦後仍前藏
匿依藏匿科之非也罪人犯在赦前則本
犯之罪已免便見無罪之人豈得更科藏
匿之罪若本犯罪不應赦則又無論赦前
赦後矣

按名例犯罪共逃條云因人連累致罪而
罪人自死者應減本罪二等計引藏匿引
送資給則是罪人已死藏匿等項應減二

盜賊捕限

不知情者知情皆坐謂與初先引送之人
皆坐減一等之罪不知勿論也○漏泄之
情雖輕於藏匿指引資給然致罪人得以
逃避則與藏匿指引資給者無異矣故亦
減罪人所犯罪一等未經斷決之間能自
捕得則捕獲之功足贖漏泄之罪故得免
坐若他人捕得及罪人已死自首雖無捕
獲之功已無脫罪之人故又各減一等通
減罪人二等又藏匿等項能自捕獲者亦
應免罪其他人捕得者不得與漏泄同減
犯罪之人自首則免罪逃走則加等親屬
則容隱者勿論凡人則藏匿者同罪律義
精深參看自見

凡捕強竊盜賊以事發

於官

日為始

限一月當
內捕獲

等此漏泄者止減一等不言藏匿等項後此五與說見犯罪共逃條

該捕役汎兵一月不獲強盜者答二十兩月

答三十三月答四十捕盜官罰俸兩箇月捕

役汎兵一月不獲竊盜者答一十兩月答二

十三月答三十捕盜官罰俸一箇月限內獲

賊及半者免罪○若被盜之人經隔二十日以上

告官者去事發日已遠不拘捕限緝獲捕殺人賊與捕

強盜限同凡官罰俸必三月不獲然後行罰

強盜捕限捕役汎兵以一月二月三月為

限不獲分別答之至限滿則捕官罰俸兩

月竊盜捕限亦同不獲者兵役減一等捕

官罰俸一月限內獲賊及半者免罪以有

捕獲之功不復賞備也○若被盜事主經隔二十日以上告官者則日期既久盜必遠颺乃其自誤非緝捕之過也故不拘捕限其捕殺人賊之限與強盜同科

條例

一直隸各省審理人命及搶奪發掘墳墓事件
定限六箇月盜案定限一年如案內正犯及
要証未獲情事未得確實者題明展限按察
司自理事件限一箇月完結府州縣自理事
件俱限二十日審結上司批審事件限一箇
月審報若隔屬提人及行查者以人文到日

起限如有遲延情弊該督撫察奏若該督撫將遲延各官徇情不行題參察出一并交部議處

一凡承審命盜及

欽部事件至限滿不結該督撫照例咨部卽於限滿之日接算再限四箇月如逾限不結該督撫將易結不結情由詳查註明題參照例議處至承審官內有陞任革職降調及因公他往委員接審者准其展限一箇月完結不許

又另起限如有不肖文武官員承審案件借
端巧爲掩飾不行速結者令該督撫題參交
與該部嚴加議處上司徇庇不行題參及下
屬已經解審混行駁查以致承審官違限並
知屬官例限將滿借端故爲派委希圖展限
者一并交部從重議處督撫叅遲延時將何
月日解審駁查次數聲明聽部查核

一凡承審土苗案件俱以獲犯到官日爲始盜
案限一年命案竊案限六箇月雜件限四箇

月限滿不結照例咨參接扣限期完結如仍
不審結該督撫照例題參若該犯居土官所
轄地方該土官准州縣移會徇庇不行拏解
經督撫核實題參將土官革職擇伊子弟之
賢者承襲若該犯居隔屬隔省者以文到日
爲始限四箇月拏解如庇匿不解交部議處
如果兇犯實係在逃俱限六箇月承緝限滿
無獲交部分別議處

一盜案如有隔省開查口供必需時日者許申

詳督撫各部展限兩箇月其通省行查之事
令督撫查明將最後送到逾限之府州縣職
名附叅照

欽部事件例交部議處

一盜案果有虛實情形未分盜賊未確限內不
能完結者許承審有司據實詳報該管上司
核實卽行報部准其展限四箇月倘承審官
有將易結之盜案濫請展限該督撫漫爲咨
部者有司官照易結不結例革職轉詳之司

道府州及咨部之督撫一并交部分別議處
一刑部行文五城兵馬司大宛二縣查拏之案
如聞係偷盜倉庫錢糧并隱匿要緊重犯卽
於文內添註要犯勒限緝拏字樣限滿無獲
照京城定例議處其餘尋常命盜如限滿無
獲照外省定例議處倘該管官不行呈報題
叅察出一并交部議處其五城兵馬司承追
贓罰變產等項如限滿不完照大宛二縣承
追雜項錢糧例議處如該御史不行開送叅

出將該御史一并交與吏部議處仍令該司
坊官將歷年承追之項造具清冊三本一送
刑部一送都察院一送該城御史查核

一凡交界地方失事探實賊盜之處無論隔縣
隔府隔省一面差役執持印票卽行密拏一
面移文關會拏獲之後仍報明地方官添差
移解其一應竊匪窩賭窩娼等類有竄入鄰
境者亦照此例一面差役往拏一面關會協
緝倘有疎縱牽制不行緝拏交部分別議處

捕役借端騷擾越境誣拏平民照誣良爲盜
例治罪

一凡京城內有強盜劫財傷人者該汛值宿領
催兵丁俱枷號四十日斥革發落步軍統領
總尉副尉步軍校俱交部分別降罰賊犯限
一年緝拏獲半者開復如不獲又失事者降
調若

正陽崇文宣武三門關廂內失事者該汛兼轄
三營武職及文職兵馬司官俱交各該部降

罰專汛千把總及馬步兵丁各杖一百賊犯
限一年緝拏全獲者開復緝拏一半者免其
議處不及一半者仍照定例議處不獲者兼
轄各官俱降調千把總俱革職兵丁枷號四
十日斥革發落賊犯交接管官緝拏

一凡隔省關提人犯承問官一面詳請督撫移
咨一面差人關會隔省該地方官添差協緝
如擅給批牌竟行拘提及隔省地方官徇庇
不行協緝均交部議處至本省內隔屬關提

人犯亦行令該地方官添差拘提如違例擅
自拘拏者捕役照誣良爲盜例治罪原差地
方官交部議處

關提人犯謂關提尋常對質人犯若盜賊匪人不用此例

一凡承緝各官有假借別州縣所獲之盜指爲

本案盜首別州縣亦扶同搪塞或先報盜首

脫逃或捏報盜首病故後經發覺者將從前

假借扶同隱匿捏報之該地方文武各官交

部議處其鄰境他省之文武官有能拏獲別

案內首盜夥盜質審明確者該地方文武各

官吏部分別議敘兵役分別酌量給賞至夥盜內有首出盜首卽行拏獲者全免其罪若不在夥內之人首出盜首卽行拏獲者地方官從優給賞捕役拏獲盜首者亦從優給賞若盜首不獲將承緝捕役家口監禁勒比如獲盜過半之外又獲盜者地方官亦酌量給賞若州縣賄盜狡供展轉行查希圖銷案者照易結不結例治罪

一苗蠻地方一有失事該防汛官卽帶兵追捕

地方官卽差役嚴拏一面申報上司並移會
鄰近營汛協力窮追如未能弋獲查明兇犯
本名確係何處賊黨會同該衙門添差緝獲
如徇庇不發并承審官不嚴行追究及文武
官弁明知案犯下落不實力擒拏以致逃匿
者並交部議處若捕役摻捕案犯率累良民
照誣指良民爲盜例從重治罪

一凡捕役串通盜犯教供妄認別案盜犯以圖
銷案州縣官失於覺察審出交部議處捕役

照誣良爲盜發邊遠充軍例減一等杖一百
徒三年如有賄買情弊以枉法從重論

一鄰縣關提人犯限文到二十日拏解逾限不
發交部議處聽信地保差役捏稱並無其人
并久經外出空文回覆指不發人者地方官
議處外其地保差役照不應律治罪受財者
以枉法從重論藏匿要犯按律究擬本犯從
重問斷

斷獄

魏分李悝曰法為斷獄律北齊合於捕律曰捕斷後周復曰新獄自隋思相治至今抄為內條目事款多以唐律為準而增益之者也

大清律集解附例卷一十八

秀水沈天易



武林洪弼緒皐山甫重訂

刑律

斷獄

囚應禁而不禁

凡_{官於}獄囚應禁而不

禁_{收徒犯以上婦人犯姦收禁官犯公私}

_{罪軍民輕罪老幼廢疾散禁}

應鎖_{扭而不用鎖}扭及_{有鎖}

_{囚太}

{扭而}脫去者{各隨囚重}

若囚該杖罪

_{常該官司}管

大清律輯註

卷三十八

刑律

斷獄

囚應禁而不禁

一

去者入加刑與囚三年

凡問官司獄官典獄卒各罪生所由提牢

官雖坐知而不舉受明則計入已之贓然

禁與鎖相皆由問官所定司獄等不得主

也故止有私與脫去鎖紐之罪而三節枉

禁於鎖紐者止言問官不及司獄等也

不禁不鎖相者罪在竟縱誤禁誤鎖相者

罪在殘虐而立法難有分別俱止於杖六

十以皆出於情誤非有心故犯猶失出失

入之例耳

不禁不鎖相者不言因而在逃之罪按拾

留囚徒律官吏不如法枷紐珍囚中途解

脫與押解八同罪然止言已斷決之徒流

遷徒充軍人犯耳若未斷決者不可聚論

尤云不如法亦與不禁不鎖相不同或云

止照不覺夫囚科之誤考

誤禁誤鎖紐者不言因而致死之罪或謂

照後處罪因似太過下條有子連平人狀

三十徒罪笞四十流罪笞五十死罪杖六十

若應紐而鎖應鎖而紐者各減不鎖紐罪一等○

若囚自脫去紐及司獄官典獄卒私與囚脫

去鎖紐者罪亦如司獄官典獄卒之罪提牢官知自脫

與脫之情而不舉者與官典獄卒同罪不知者不坐○

其拘獄官不應禁而禁及不應鎖紐而鎖紐

者倚法各杖六十○若拘獄司獄提牢官典獄卒受財而

為操縱者並計贓以枉法從重論有祿人入

禁謂收禁在獄也男子犯徒罪以上婦人

犯姦及死罪皆應收禁軍民杖以下婦人

禁致死之法可以此科斷不應禁而誤
禁與不應鎖紐而誤加之其情同也侯考

流以下及老幼廢疾皆散收押禁官犯私
罪除死罪外徒流鎖收杖以下散禁公罪
自流以下皆散收鎖紐俱拘禁獄囚之具
也若原問官將應合收禁之囚而不禁應
合鎖紐之囚而不鎖紐及已鎖紐而為之
脫去者各隨囚罪之輕重論以答杖罪名
所以懲寬縱也鎖紐錯施雖不廢法然非
法之平所謂不如法也名減全不鎖紐之
罪一等各字指杖徒流死罪四項而言○
若已如法鎖紐而囚自脫去及司獄官典
獄卒私與脫去亦如原問官脫去之罪提
牢官知而不察者亦與同罪不知不生○
不應禁而禁者誤禁也若故禁者自有本
律前不禁不鎖紐者雖失之縱猶可補應
改正此不應禁而誤禁不應鎖紐而誤鎖
紐則枉矣故不分輕重各杖六十所以懲
殘虐也各字指禁與鎖紐兩項言○受財
通承上三節各項而言並計入已之賊以

新賦 囚應禁而不禁

枉法從重論賊重從枉法輕則從本律也
受財之事不同有受囚之財而不禁不
租者有受怨家之財而枉禁枉領租者
枷號人犯當該官司吏卒有犯應枷不枷
等罪俱與此律同科下條與囚金刃解脫
及獄囚衣褲律亦准此

條例

一凡枷號人犯除例有正條及催徵稅糧用小
枷枷號朝枷夜放外敢有將輕罪人犯用大
枷枷號及用連根帶鬚竹板傷人者交部議
處因而致死者問發爲民枷犯滿日責放不
許先責後枷遇患病卽行保釋醫治痊日補

枷若先責後枷遇患病不卽行保釋醫治以致斃命者交部嚴加議處督撫不行察叅或經科道糾叅督撫司道一併議處

一 侵欺錢糧數至一千兩以上那移錢糧數至五千兩以上者令該管官嚴行鎖禁監追其侵欺不及一千兩那移不及五千兩者散禁官房嚴加看守勒限一年催比如逾限不完卽鎖禁監追若應行監禁之犯不行監追及失於防範以致自盡者將該管之州縣官均

照湯職例革職其該管之上司官或徇隱或失察交部分別議處

故禁故勘平人

凡官吏懷挾私讐故禁平人者杖八十

平人係平空無

事與公事毫不相干亦無名字在官首與下文公事干連之平人不同

因而致

死者絞

監候

提牢官及司獄官典獄卒知而不

舉首者與同罪至死者減一等不知者不坐

若因

該同

公事干連平人在官

本

無招

罪而不行保管

誤禁致死者杖八十

如所干連事方訊鞠

有文案應禁

謂下獄若拘鎖別處者不得謂之禁因而致死必在獄中者方是勘謂拷訊若非用官刑者不得謂之勘因而致死必由拷訊者方是此條故禁與上條不應禁不同上是誤禁輕罪之人此則故禁無罪之人也前節言故禁平人而又言有誤禁與應禁者後節言故勘平人而又言有誤勘與應勘者故禁致死謂平人無故被禁或畏懼或忿恨因而病死及自盡者皆是不言獄卒陵虐者此條重在勘讐故禁也如獄卒受官更意指而致之死則是謀殺矣應有造孽加功之別不在此限

凡故禁誤禁廢禁致死由於獄卒陵虐者

又當奏論陵虐本律

官與吏一體故禁故勘彼此未有不有情者故不分言然挾讐者一人也官挾讐吏必承順吏挾讐不能得之於官若官順從行之非為賒故即有別情又當分別另論矣

禁與勘皆公法也官吏執法之人也以明罰勸法之典為報復私讐之事視齊民所犯尤有其焉故特嚴之若非挾讐因受賂受賄而故禁故勘又當奏用本律以故入人罪及枉法賕從重論

懷挾私讐四字通貫下節而言禁與勘重在於故上而懷挾私讐則於禁故勘之本意也平人但言無罪之人而此故禁則并無小事相干名字在官者也故註曰係平空無事云云若雖有公事干連名字在官而實係平人並無緊關之故官吏挾讐而禁

者雖致死勿論○若官吏懷挾私讐故勘平人者無傷

杖八十折傷以上依凡鬪傷論因而致死若

斬監候同僚官及獄卒知情而與共勘者與同

罪至死者減一等不知情而其及雖共勘依

法拷訊者雖致死傷不坐若因公事干連平人在

官事須鞫問及正罪人贓仗證佐明白而干連之

人獨為之相助匪非不服招承明立文案依法拷訊

追致死者勿論

故謂有意故行平人謂無罪之人凡官吏懷挾私讐將無罪平人故禁于獄者杖八

之亦應坐故禁之罪蓋下文平連之平人
明言誤禁也誤字與故對言故是有意誤
出無心故輕重大相懸絕

誤禁即上條不應禁而禁也但言致死者
杖八十不言不致死者之罪箋釋謂弗論
非也上不應禁而禁亦是誤禁本律杖六
十豈誤禁輕罪者有非誤禁乎人反無罪
乎亦應照上擬杖六十律不言者謂該於
上條也

獄卒條聽本官指使之役與同僚不同即
却故勘之情亦不能止又不得照上故禁
者責其舉首而亦與同罪者蓋故勘中必
有非法拷訊之事觀下文不知情共勘者
依法拷訊者不坐其義可推獄卒知情心
承官吏之意而非法用刑乃同罪同僚則
但知情共勘即同罪侯考
同僚官義得相糾即不知有挾仇之情豈
不知是平人何以無端故勘但云依法南

上因故禁而致死於獄中者絞惡其倚法
為奸也發禁之時提牢官及司獄候卒皆
有典獄之責若知其挾警故禁之情而不
舉首於上司者與官吏同罪以其徇私忘
公也至死者減一等杖一百流三千里終
與故禁者有間也其據原問衙門發下不
知實係平人而收禁者不坐若官吏本無
懷挾私讐但因公事未結于連平人在官
其有罪者必有招既無招則無罪無罪何
不應禁而一時不察誤禁監禁致死者杖
八十原其禁之誤而重其人之死也若雖
無罪之人既有交案關涉如緊要下証之
類難以保候而應禁者即邂逅致死亦弗
論既曰應禁則非故非誤也○官吏懷挾
私讐將無罪平人攸行拷訊者杖八十無
傷亦坐有傷亦同至折傷以上者依凡人
鬪傷論罪因故勘而致死於拷傷者斬故
勘則又甚於故禁也同僚官及用刑之獄

訊傷與死者不坐于似不知情及依法拷
訊者不坐止承獄卒而言也若同僚必不
知情不共勘乃得不坐既已共勘難言不
知卽知情而不共勘亦不能無罪觀名例
同僚犯公罪僚內若同僚官一人有私自
依改出入人罪論其餘不知情者止依失
出入論可以類推矣俟考
若官吏懷挾私仇將有罪犯人憎端拷死
有罪雖不同于平人而挾仇則非出于無
故似應照故殺論罪俟考

條例

卒若知其有挾讐情由而猶與之共勘者
與官吏同罪以其助惡濟虐也至死者減
一等杖一百流三千里終與故勘者有間
也其不知情而共勘及雖共勘而依法拷
訊並無非法拷打之事卽有死傷亦不坐
罪若因見問公事干連平人在官其事應
須推鞠勘問及正犯罪人賊仗証佐皆已
明白而干連之人反爲遮飾不服招承官
吏明立文案依法拷訊邂逅致
死者勿論此應勘而非故勘也

一強竊盜人命及情罪重大案件正犯及干連
有罪人犯或証據已明再三詳究不吐實情
或先已招認明白後竟改供者准夾訊外其

別項小事疑不許濫用夾棍若將案內不應
夾訊之人濫用夾棍及雖係應夾之人因夾
致死並恣意疊夾致死者將問刑官題參治
罪若有別項情弊從重論

一內而法司外而督撫按察使正印官許酌用
夾棍外其餘大小衙門槩不許擅用若堂官
發司上司官批發佐雜審理事件呈請批准
方許刑審若不呈請而擅用夾棍拶指掌嘴
等刑及佐貳並武弁衙門擅設夾棍拶指等

刑具者督撫題奏交部議處正印官亦照失
察例處分

一凡內外大小問刑衙門設有監獄除監禁重
犯外其餘干連並一應輕罪人犯卽令地保
保候審理如有不肖官員擅設倉舖所店等
名私禁輕罪人犯及致淹斃者該督撫卽行
指參照律擬斷

一凡用刑衙門凡一切刑具不照題定式樣造
用致有一二三號不等者用刑官照酷刑例

治罪上司各官不卽題參照例治罪

一直隸各省督撫設立用刑印簿分發用刑衙門將某案某人因何事用刑訊及用刑次數逐細填註簿內於年終申繳督撫查閱如有濫用夾棍及用多報少情弊卽將用刑各官指參議處并設立循環簿將每日出入監犯名姓填註簿內按月申送該府查對如有濫行監禁及懷挾私讐故禁平人照律擬罪一承審官吏凡遇一切命案盜案將平空無辜

此項字下似有落字

並無名字在官之人懷挾私讐故行勘訊致
死外倘事實無干或因其人家道殷實勒詐
不遂暗行賄囑罪人誣攀刑訊致死者並照
懷挾私讐故勘平人致死律擬斬監候如有
將干連人犯不應拷訊誤執已見刑訊致斃
者依決人不如法因而致死律杖一百其有
將干連人犯不應拷訊任意疊夾致斃者照
非法毆打致死律杖一百徒三年如有將徒
流人犯拷訊致斃二命者照決人不如法加

一等杖六十徒一年三命以上遞加一等罪
止杖一百徒三年其有將笞杖人犯致斃二
命者照非法毆打致死律加一等杖一百流
二千里致斃三命以上者遞加一等罪止杖
一百流三千里若因公事干連人犯依法拷
訊邂逅致死或受刑之後因他病而死者均
照邂逅致死律勿論如有奸徒挾讐誣告平
人官吏知情受其囑託因而拷訊致死者本
犯依誣告律擬抵官吏照爲從律滿流如有

誣告平人官吏不知情依法拷訊致死者將
誣告之人擬抵官吏交部議處若被誣之人
不肯招承因而疊夾致斃照非法毆打致死
律定擬均不得刪改律文內懷挾私讐字樣
混引故勘平人概擬重辟在外不按實具題
在內含糊照覆照官司出入人罪律分別治
罪

淹禁

稽留囚徒係專指徒流遇徒人所重在稽
留而逃此係兼五刑通言之所重在淹禁
而死
斷決不獨答杖也徒流之罪亦有杖該斷

凡獄囚情犯已完

在內

法司

在外

督撫審錄無

決故曰決遣死罪正法亦曰處決疏義謂
斷決指笞杖起發指徒流非也

杖以下皆不應禁者不應禁而禁本律杖
六十正與此同

後死罪覆奏待報條死罪囚已覆奏回報
應決者聽三日乃行刑若未滿限而行刑
及過限不行刑者各杖六十則斷決死囚
又不得在三日之內矣

冤別無追勘

未盡事理其所犯笞杖徒流死罪

應斷決者

限三日內斷決

係徒流

應起發者限一十日內

起發若限外不斷決不起發者當該官吏過

三日笞二十每三日加一等罪止杖六十因

過限不斷決不起發

而淹禁致死者若囚該死罪杖六

十流罪杖八十徒罪杖一百杖罪以下杖六

十徒一年

惟重囚照例監候

凡在獄之囚所犯情罪既已招擬完備內
經法司外經督撫審錄情真罪當無有冤
枉別無應追應勘之事理所犯笞杖徒流
死罪奉文應斷決者限二日內即行斷決

恩詔頒到

一凡

條例

其徒流遷徙應發遣者限十日內即行發遣若過此限外而不斷決不起發卽是淹繫矣至三日則當以官吏笞二十每三日加一等至十五日以上罪止杖六十因不斬決起發淹留囚禁以致死者則以囚罪之輕重爲淹繫罪之差等因該死罪則杖六十流罪則杖八十徒罪則杖一百杖罪以下則杖六十徒一年皆罪坐當該官吏按流禁致死應決死罪之囚亦得杖六十罪者因離合死亦當依限處決使其明正典刑不當淹繫而死也

新錄 淹繫

赦款內除已經刑部法司覆覈明白應免罪囚逐
一詳登登時釋放另行題明外如有情罪可
疑者限

赦到一月內卽彙疏奏請其未經法司核覆明白
者俟法司核覆文到之日卽時釋放毋得觔
延時日如

赦到奏請違限及將應免輕罪人犯並無辜之人
仍濫行監禁者交該部議處

一各省審結叛案凡有應解部流徒入官人口

家產俱立限兩箇月自該省起解解送人役
仍定行程限期違者題參

一凡監候待質人犯除強盜案件不應寬釋外
如人命等案有正犯未獲將牽連餘犯監候
待質已過三年者取具的保釋放在外俟緝
獲正犯之日再行質審倘釋放後私自逃匿
保人重懲本犯獲日從重治罪

陵虐罪囚

凡獄卒

縱

非理在禁陵虐毆傷罪囚者依凡關

毆傷致死必因干本傷斃致死必因干
眾傷方主絞雜若傷極未斃致命眾傷不
致殞命則他故致死若則止科凡關斃
命之罪

毆傷即毆虛中亦受極刑是兩項者非也
但毆虛之事多端而律止言毆傷之罪者
謂無傷則無據也然實有毆虛而無傷者
豈可不論當酌擬之

起滅不同往來監守者衣根乃官給
之物非罪囚之物也凡因無家屬供送必
請官給衣褲官之所給皆由獄卒收掌有
所起滅非監守自盜而何然心出自官者

方是若出於罪囚之身則與監守不同應
問用強求索加刑而致死則亦坐絞起滅
之衣根不同而致死一也

罪囚雖係應死之犯獄卒自犯致死之罪
與擅殺應死罪人不同故註云不論應死
也

官司獄官典及提牢官有毆傷起滅致死
者亦絞罪坐所由

若受人賄託得人財賄因而毆虛者各照
漢託枉法等律從重論致死則依謀殺論

傷論 毆傷極 起滅 官給罪 衣履計 起滅之

賊以監守自盜論因 毆傷 而致死者 不論四

不應 絞監 司獄官典及提牢官知而不舉者

與同罪至死者減一等 有不知上

獄卒是專管罪囚之人供禁深嚴惟獄卒
得在其內非特拘押之寬緊在其掌握即

飲食起居皆憑其意向故最易縱肆比以
非理之事加于罪囚皆謂毆虛有所侵犯

曰毆有所殘害曰虐毆虛所指者廣而毆
傷則毆虛之甚者也凡有毆傷俱照圖傷

論罪起滅官給衣履者計所滅之數為賊
以監守自盜分別首從論罪因而致死者

不論因罪輕重應死不應死並絞系毆傷
起滅兩項而言司獄官典及提牢官知有

毆傷赴藏之情而不舉者與獄卒同罪至死者減一等杖一百流三千里不言不知情者既以典獄為職責有專司分應稽察不容獄卒有弊而以不知卸罪也然實有疎忽不知者亦難擬擬同罪似應坐以不應氏考

條例

一在內法司問發程遞人犯在外問刑衙門程遞來京及遞解別省人犯除原有扭錄照舊外其押解人役若擅加枷鎖非法亂打拶檢財物剝脫衣服逼致死傷及受財故縱并聽憑狡猾之徒買求殺害有除實犯死罪外徒

罪以上屬軍衛者發邊衛充軍屬有司者發
邊外爲民

一除強盜十惡謀故殺重犯用鐵鎖紐鐐各三
道其餘鬪毆人命等案罪犯以及軍流徒罪
等犯止用鐵鎖紐鐐各一道笞杖等犯止用
鐵鎖一道如獄官禁卒將輕罪濫用重鎖重
罪私用輕鎖及應三道而用九道應九道而
用三道將獄官題參禁卒革役受賄者照枉
法從重論任意輕重者照不應鎖紐而鎖紐

律治罪提牢官失於覺察交部議處

一凡部發遞解及外省解部並解別省軍流徒
罪發回安插人犯僉差官員務選有家業正
役解送如解役在途教唆人犯通同搶奪者
俱照白晝搶奪律例治罪中途患病者原解
卽報明所在官司親身驗明出具印結卽者
該地方官留養醫治隨行親屬病者亦准存
留候病痊起解仍將患病日期報部如不行
留養致有病故及受財囑託捏病遲延者將

該地方官交部議處其取結後犯人身死者
官役免議若未取病結在途身死者倉差官
員交該部照例按名議處一名解役杖六十
徒一年每一名加一等罪止杖一百徒三年
一凡官員擅取病呈致死監犯者依謀殺人造
意律斬監候獄官禁卒人等聽從指使下手
者依從而加功律絞監候未曾下手者依不
加功律杖一百流三千里

一凡問刑衙門不許於獄內用樞牀違者官重

職杖一百流三千里禁卒杖一百革役

一凡押解兵役驛夫人等敢於中途姦汚犯人妻女者依姦囚婦律杖一百徒三年押解官雖不知情亦交該部嚴加議處如押解官自犯姦汚及陵虐勒財者交該部從重議罪其被害犯人係流徙寧古塔等處者許赴

盛京戶部控告係解京及解各省者許赴刑部並所在官司控告

一凡獄卒有受罪人讐家賄囑謀死本犯者依

謀殺人首從律治罪

一凡犯人出監之日提牢官司獄細加查問如有禁卒人等陵虐需索者計贓治罪仍追贓給還犯人提牢官司獄不行查問事發之日亦照失察例議處

一徒罪以下人犯患病者獄官報明承審官卽行赴監驗看是實行令該佐領驍騎校地方官取具的保保出調治俟病痊卽送監審結其外解人犯無人保出者令其散處外監加

意謂治如獄官不卽呈報及承審官不卽驗看保釋者俱照淹禁律治罪若本犯無病而串通獄官醫生捏稱有病者該犯併獄官醫生俱照詐病避事律治罪或病已痊愈而該佐領驍騎校地方官不卽送監審結者將本犯及該佐領驍騎校地方官亦俱照詐病避事律治罪若保出故縱者將保人治以本犯應得之罪疎脫者減二等仍將取保不的之該佐領驍騎校該地方官題參議處若有受

賄情弊計賊以枉法從重論至督撫題報監
斃人犯將本犯所犯罪名所患病症及有無
陵虐曾否保釋逐一聲明如有朦朧情弊查
出交部分別議處

一番役將盜犯及死罪人犯私拷取供者枷號
一箇月杖一百將軍流以下等犯私拷取供
者各遞加一等治罪如有逼索銀錢計賊以
枉法從重論該犯有誣指捏証情弊照誣告
律治罪該管官失察故縱交部分別議處

解脫之具即上金刀他物及字案可以字

按不覺失囚者獄卒減囚罪二等若失死
罪囚應杖一百徒三年失流罪囚應杖九
十徒二年今今與因解脫之具而致在逃
本律止杖六十徒一年則反輕於不覺失
囚者矣故凡囚罪輕者應依本律杖六十
徒一年囚罪重者應仍照不覺失囚律減
二等科之官典又減三等科之即各例所
謂以重論也至於未斷之謂捕得已死自
首不覺失囚者免罪此則止減本罪一等
惡其與之具也

次節止言以可解脫之物不及金刀亦無
自殺字蓋獄卒與囚非相關切之人隨因
所欲而即與之若子孫於父祖奴僮於家
長恩義至重即在常人亦必有關切之情
但欲其解脫而逃無欲其自殺之理也然
可解脫之物即可殺傷則自傷自殺傷人

與囚金刀解脫

凡獄卒以金刀及他物

如毒藥之類凡

可以使人自殺及

解脫鎖杻之具而與囚者杖一百因而致囚

在逃及

於獄中

自傷或傷人者並杖六十徒一

年若

致囚中

自殺者杖八十徒二年致囚反

獄而及

在獄中

殺人者

絞監候

其囚

脫越反獄

在逃

未斷

罪

之間能自捕得及他人捕得若囚已

死及自首者各減一等○若常人

非獄卒

以可

解脫之物與囚人及子孫與

在獄中

祖父母父

殺人者亦有之矣故但曰各減一等不復分別也

常人情至子孫奴雇恩義至重自常人以至子孫奴雇其罪相同則其餘親屬自不必言即子孫奴雇在獄而祖父家長與之者其罪亦同蓋監獄禁地此係止論以票物入獄與囚之罪而其尊卑各分固所不計也

獄卒專管獄囚若常人等將解脫之物入獄與囚獄卒難言不知而律不言其罪應同司獄官典科之

若獄卒與常人等謀殺與囚自殺又應舉擬下死囚令人自殺條

此條皆言獄卒等之罪而獄囚在逃殺傷及獄卒有本律

母奴婢雇工人與之在獄家長者各減獄卒一等

○若司獄官典及提牢官知而不舉者與同

罪至死者減一等○若獄卒常人及提牢司獄官典受財

者計贓以枉法從重論贓重論贓輕論本罪○若獄

囚失於檢點防範致囚自盡原非縱與者獄卒

杖六十司獄官典各笞五十提牢官笞四十

凡獄卒以金刃及他物可以自殺及可以解脫鎖紐之具與所禁之囚其囚雖未自殺未解脫而獄卒則何為與此可殺可脫之具乎律重誅意其漸宜防故杖一百其囚因得金刃他物以致解脫鎖紐脫監越獄而逃走在外及在獄中自傷其身或傷

及他人者獄卒並杖六十徒一年並字指
在逃自傷傷人三項言若囚自殺死者獄
卒杖八十徒二年致囚反獄而出及在獄
殺死他人者獄卒處絞雖皆囚之所爲而
原其所以得爲之故實由獄卒與之具也
若其囚在逃獄卒已經問擬尚未斷決之
間獄卒能捕得在逃之囚及他人捕得若
逃囚已死及投回自首者獄卒各減本罪
一等囚逃者杖一百反獄者杖一百流三
千里○曰常人曰子孫曰奴婢僱工皆係
事外之人也曰人曰祖父母父母曰家長
皆指在禁之囚也言常人則非親屬而與
子孫奴僱同論則親屬亦包其內舉疎遠
之常人與恩親之至名分之重者以例其
餘也獄卒之外若常人以可解脫之物與
人及子孫與祖父母父母奴婢僱工人與
家長各減獄卒之罪一等與而未斥杖九
十在逃自傷傷人杖一百自殺杖七十徒

斷獄

與囚金刀解脫

牢半反獄殺人杖一百流三千里。若司獄官典及提牢官知有將金刃他物與囚徇縱不行舉問者各與同罪至死者減一等杖一百流三千里承上兩節獄卒與常人子孫奴僮而言也不言不知情者說見上陵虐獄囚條。若獄卒常人因受囚之財而與以金刃他物及提牢司獄官典因受囚與獄卒及常人等之財而不行舉問者各計人已之贓以枉法從重論贓罪重從贓論贓罪輕從本律論。若原未與獄囚金刃他物但失於檢點致被獄囚自盡者不過疎忽之咎耳獄卒為重杖六十司獄官典各笞五十提牢官笞四十防守之責雖專在獄卒而提牢司獄均有稽察之任也故論罪有差

翻改已成之案謂之反在官司伸冤理枉為之翻案者為平反罪因變亂情事希圖

主守教囚反異

反訓
翻

翻案者為反異變亂事情即反異之註脚也

但言增減不言全出入有犯者亦照條出入全坐

外人者獄外之人也但言人則親屬在共內

有傳外人犯教令通傳致有增減罪者比官典獄卒減一等而次節縱容走涉雖無

增減官典獄卒亦減五十而不言外人或謂應勿論非也觀下二條獄囚患病有應

應索人入視者則不患病皆不許入視矣功臣及五品以上官犯罪許令親人入視

則五品以下及平人皆不許入視矣外人無故入獄雖無教令等情亦屬不應當照

上節義比官典獄卒減一等正合不應官四十之律蓋在土守為失職在外人則係

常情也莫釋胡應照不應從重則反重於土守矣亦非

凡司獄官典獄卒教令罪囚反異成變亂已經勘定

之事情及與通傳言語於外人以致有所增

人他去自減已之罪者以故出入人罪論外人犯

教令通傳者減主一等○若獄官容縱外人

入獄及與口傳走泄事情於囚罪無增減者

笞五十○若獄官典受財者並計人贓以枉

法從重論

反字音義如漢書平反之反反異謂已招承服罪而又反其原招成案以致有異也

通傳言語者或通傳囚言於外或通傳外言與囚也凡司獄官典獄卒皆有典守罪

囚之責獄中奸弊皆當稽察乃反敘令罪
囚反異已成之案變亂所犯真實事情及
與通傳言語內外扶同以致他人之罪有
所增自巳之罪有所減者並以故出入人
罪論增輕作重坐以所增減重作輕坐以
所減也若外人犯有教令反異及通傳言
語致有增減者減官典獄卒罪一等○若
官典獄卒縱容外人入獄及與傳言而走
泄事情雖囚之罪無增減亦答五十此言
走泄事情上節言通傳言語兩句互文見
義皆指官典獄卒非謂外人人獄者也○
若官典獄卒接受獄囚及外人之財或外
人接受獄囚之財因為教令反異通傳走
泄縱容入獄等情者並計入巳之贓以枉
法從重論贓罪重從贓論教
令等項罪重以本律論也

條例

一刑部乃總理刑名之地如有閒雜人等擅自
出入及跟隨聽審人犯私入衙門窺探者本
犯及守門領催兵皂俱責治於刑部門首枷
號官員犯者交該部議處

一凡書辦皂隸及官員家僕人等有擅自出入
監所者令提牢官司獄禁卒立竿回堂將書
隸革役責四十板遞回原籍家人枷號一箇
月責四十板家人之主交部議處若不行拘
拏被查出者提牢官司獄俱以失察例議處

一步軍統領酌量派出番役在刑部衙門外左
近密行訪拏若有探聽之徒照私入刑部衙
門例枷號一箇月責三十板係官交部議處
如有受賄通信教供情弊察實將書役並行
賄之人均計贓從重治罪

獄囚衣糧

凡獄囚

無家屬者

應請給衣糧

有疾病者

醫藥而不

請給患病

重者除死罪不

應脫去鎖杻而不

請脫去

犯答

應保管出外而不

請保管

及疾

本律應詳各項並未分出何等罪囚依註
補之更煩詳看後例

按批死罪用杻此云應脫去鎖杻是死罪
患病亦去杻矣而註云重者除死罪不開
鎖杻大死罪之用杻恐其脫逃非以此
苦之也今既患重病必無脫逃之虞豈忍
聽其桎梏而死當酌行
因而移死之罪與海禁律相同所以重人

命也

此條專論主守及上司之事而愈重貪因身禁固或因無衣糧或患疾病最易致死故定為應請各項之法雖致死死罪之囚亦不得免俾主守上司皆不敢忽視仁之至也

提牢官不言不知者說見賤虐罪囚條即是應死之囚亦當明正典刑若淹抑而死即不足惜亦非法矣况非應死者乎

篤應聽家人入視而不請聽以上雖非司獄官典獄卒所主

是不申請上司司獄官典獄卒笞五十因而致死者

若囚該死罪杖六十流罪杖八十徒罪杖一

百杖罪以下杖六十徒一年提牢官知而不

舉者與獄官典卒同罪○若司獄官已申稟上司而

司官不即施行者一日笞一十每一日加一

等罪止笞四十因而致死者若囚該死罪杖

六十流罪杖八十徒罪杖一百杖罪以下杖

六十徒一年

首節應請請字貫下數項言謂應請給衣糧醫藥應請脫去鎖枷應請保管出外應請家人入視凡應請而不請者罪在司獄之官典獄卒止笞五十者不過玩忽之咎耳因無衣糧醫藥及未經脫械保放家人入視之故以致疲死獄中人命為重則視囚罪之輕重以為官典獄卒罪之差等分別科之提牢官亦有典守之責明知官典獄卒應請不請之情而不舉問是亦溺職矣故亦同罪○上節主守之人不行申稟則上司不知故專坐主守此言主守已將應給衣糧等項申稟上司而不即施行則罪在上司按日科罪至笞四十而止者不過遲緩之咎耳因不即施行而致死者亦照囚罪輕重分科其罪與主守相等一則應請不請一則應行不行致死之因無異也

條例

一凡解部及遞解外省各項犯人有司官照支給囚糧之例按程給與口糧如遇隆冬停遣照重囚例每名給與衣帽倘有官侵吏蝕照冒銷錢糧律治罪

一凡司獄吏目典史專管囚禁如犯人果有冤濫許管獄官據實申明如府州縣不准許卽直申憲司各衙門提訊

一凡牢獄禁繫囚徒年七十以上十五以下廢

疾散收輕重不許混雜鎖杻常須洗滌席薦
常須鋪置冬設煖牀夏備涼漿凡在禁囚犯
日給倉米一升冬給絮衣一件夜給燈油病
給醫藥並令於本處有司在官錢糧內支放
獄官預期申明開給毋致缺誤有官者犯私
罪除死罪外徒流鎖收杖以下散禁公罪自
流以下皆散收

一內外刑獄醫治罪囚各選用醫生二名每遇
年底稽考優劣如醫治痊愈者多照例俟六

年已滿在內咨授吏目在外咨授典科訓科
不能醫治病死者卽責革更換

一在監人犯許令祖父母父母伯叔兄弟妻妾
子孫一月兩次入視使役之人不越兩名若
有送飲食者提牢官驗明禁子轉送其盜犯
妻子家口不許放入監門探視違者妻子家
口枷號兩箇月責四十板不准收贖提牢司
獄官吏叅處

一刑部赴倉支領囚糧每石給脚價銀五分倘

獄卒人等私行扣勉照律嚴加治罪獄官通
同作弊一體治罪其失察之提牢官交部議
處

一刑部南北兩監板棚不許禁卒人等私相租
賃如有受賄頂租等弊將獄卒人等從重治
罪

功臣應禁親人入視

凡功臣及五品以上武官犯罪應禁者許令

親人入視犯徒流應發者並聽親人隨行若

此條既在功臣而三品以上官在八議之
列四品亦非班聯之尊者改運及之
上條獄囚患病者始聽親人入視此條則
恩賞之典也

在禁及

已徒流

至配所或中途病死者在京原

問官在外隨處官司開具

在禁在配在途

致死緣由

差人引領

其入視隨行之

親人詣闕奏請發放違者

杖六十

功臣有勳勞於國家五品以上文武官品級已崇犯罪因法不宥貸而應禁者許親人入視徒流者聽親人隨行雖有罪而猶體恤之如此若在禁及配所或中途病死則官司開具致死緣由差引親人奏請發放恐有別故而死非其所也雖已死而猶矜憫之如此體下之仁至矣違者杖六十通上文而言謂在禁不令親人入視徒流不聽親人隨行病死不引親人奏請也

此係當與通因金刃解脫之條參看

使令親故自殺及令僱倩人殺雖皆出於

死囚之意而自殺與僱倩兩項則應令在倩

之各子謂自殺與僱倩兩項則應令在倩

之親故不得與下手之人同論也成謂子

孫奴在之外皆坐不應如妻妾於夫卑幼

於期親尊長似難止科不應候考

首節前之在倩人殺是死囚所令而親故

雖從後之在倩人殺有兩意以不令自殺

則雇倩出於親故因曾令自殺則在倩出

於死囚雖有兩意其罪則一也

按子孫殺祖父皆發還奴在於家長罪同

而此止皆斬者以祖父家長已犯死罪自

畏刑戮而使令之則與惡逆有間故雖坐

首斬猶得監候

前條子孫奴在可以將脫之物與祖父家

長或有自殺與常人同止此獄卒減一等

此聽令而殺則加於常人而首斬蓋與解

死囚令人自殺

凡死罪囚已招服罪而囚

畏懼刑戮

使令親戚故舊

自殺或令

親故雇倩他人

殺之者親故及雇下

手之人各依

親屬凡人開毆

本殺罪減二等若囚雖

已招服罪不曾令親故自殺及雖曾令

親故自

殺而未招服罪

其親故自

殺訖或雇倩人殺

之者

不令自殺已有倖生之心未招服罪或無可殺之罪

親故及下手

之人各以

親屬凡人鬪殺傷論

○若死雖已

招服罪而囚之子孫為祖父母父母及奴婢

脫之物有望其生之心是可原也聽令而殺有違其死之意不可追也

雇工人為家長

聽令自下手或令雇倩他人殺之

者皆斬監候

雇倩之人仍依

本殺罪減二等

凡犯死罪之囚已招服罪之後在囚雖畏刑戮而有求死之心他人當聽典刑而無擅殺之理若親戚故舊聽因使令而自殺之或雇倩他人殺之親故及雇倩下手之人各依本殺之罪減二等親屬依親屬律減科凡人依凡入律減科雇錢入官此為已招服又令自教者言也若雖招罪不令自殺罪雖應死因尚望生則情不忍殺也及雖令自殺未招服罪因雖欲死罪猶未定則法不可殺也親故輒自殺之或雇倩人殺之者各以鬪殺論親屬以親屬律全科凡人以凡人律全科○前節概言親故此節又提出子孫為祖父母父母如婢雇工為家長以其恩義至重又當別論也然

斷獄 死囚令人自殺

二十三

必已經招服又令子孫奴僮自殺或令僮
信他人殺之者方坐皆斬此皆字止指子
孫奴僮言非概指受僮信之他人也故註
云僮信之人仍依本殺罪減二等所謂首
從本法各別者自依本律也若雖招罪不
令自殺雖令自殺未招服罪而子孫奴僮
輒自殺之或僮信殺之則應照本律皆凌
遲處死而律不言者以前節各以鬪毆殺
傷論推之不待再言也或謂律無使令自
殺之文不論有無使令子孫奴僮罪止坐
皆斬非也本文曰子孫為祖父母父母奴
僮工為家長為字中該括聽受使令之意
在內其義甚明且計有聽令字若不令殺
而殺之凡人且坐絞而子孫奴僮豈得止
坐皆斬哉

老幼不拷訊

八議者親故功賢能勳貴賁也

不拷訊止言廢疾不及篤疾者舉輕以就重也

以故失人人罪論皆以虛招者言之若雖

違律拷訊而罪皆真實則無罪可科律雖

不言難以勿論應照違制論罪蓋違律即

違制也錢穆謂照不應

按同居若大功以上親及外祖父母外孫

妻之父母女壻孫之婦夫之兄弟及妻奴

婢隸工為家長此皆律合容隱之人

凡應八議之人

禮所當優

及年七十以上

老所當恤

十五

以下

勿所當慈

若廢疾

疾所當矜

者

如有犯罪官司

並不合

刑用

拷訊皆據眾證定罪違者以故失人人罪論

故入抵全罪

失入減三等

其於律得相容隱之人

以其情親有所

諱

及年八十以上十歲以下若篤疾

以其免罪有所

特

皆不得令其為證違者笞五十

皆以吏為首遞減科

罪

按名例八議之人犯罪必須奏請老幼廢疾流罪以下皆得收贖而復著此條者彼自斷決已定之罪名言之此自拷訊以取供招者言之也拷訊是審時之事不在五

刑之內罪犯已真而狡賴不承乃加拷訊若應入議之人及軍民人等年七十以上之老者十五以下之幼者若有廢疾之不成人者犯罪並不合拷訊但據衆證定罪衆証明白卽同獄成本犯雖不招承亦可定案不必用刑取供所以優禮八議惟老慈幼矜不成人也當該官吏違此律者以故失入人罪論謂明知是應議老幼廢疾之人而故意拷訊致其不任痛苦而虛招則以故入律全科之如不稽察是否應議老幼廢疾之人而一時失錯誤加拷訊以成虛招之罪則以失入律減三等科之其於名例親屬相爲容隱律中得相容隱之人及年八十以上十歲以下若篤疾者皆不得令其爲証以斷人之罪當該官吏違此律者皆五十蓋既得容隱必爲隱諱豈可使其証罪而老幼篤疾之人法應免罪然特此以爲人故禁之也註曰皆以吏爲

首節是一事人在兩處而事發於一處次
節亦是一事人在兩處而先後同發也本
條之意總要罪須連結不許連延拖累觀
首節內日直行勾取日限三日內發遣次
節內日三百里外各處歸結日當處官司
隨即收問日因到不受其意可見

彼此不相統攝其違限違法之罪孰為問
之故必行移申達其所管上司也

鞠獄停囚待對

首遞減科罪
通承以上言

凡鞠獄官推問當處罪囚有同犯起內人伴見在

他處官司當處停囚專待其對問者離彼職分

不相統攝皆聽直行文書勾取他處文書到

後限三日內即將所勾發遣違限不發者一

日管二十每一日加一等罪止杖六十當處

者無以其不仍行移處本管上司問違限罪

發而中止發○若起內應合對問同伴罪

督令將所取
犯人解

路遠各縣者謂可以文移相照而歸結之事也若必須人犯對簿者自不必拘此

止官直移就輕多移就少不言先發送後發遠處不各斷而送者舉輕重多少以例之也

囚到不受是統承上言謂前之輕就重少就多後發送先發及後之違法重移輕多移少者也諸解止不違法移就言則前之就送併查有推托不受者豈勿論耶

囚已在他處州縣事發見問者是彼此俱屬應鞠聽

輕囚移就重囚若囚罪相若者聽少囚從多囚若囚

數相等者以後發之囚送先發官司併問若

兩縣相去三百里之外者往返移就各從事

發處歸斷移文知會如違輕不就重少不從多者後不送先遠不各斷者

笞五十若違法反將重囚移就輕囚多囚移

就少囚者當處官司隨卽收問不得互相推避仍申

達彼處所管上司究問所屬違法移囚笞五十之

罪若當處官司囚到不受者一日笞二十每一日

加一等罪止杖六十

鞠獄官推問在案罪囚起內有同犯干証
等人伴見在他處而此處應將罪囚停止
推問以待其人質對者此處鞠獄官雖與
他處官司職分不相統攝皆聽直行勾取
文書到後限三日內將勾取人犯發遣違
限不發者一日笞二十加等至五日以上
罪止杖六十仍行移其本管上司究問違
限之罪督發待對之人○若本案起內應
合對問同伴之罪囚已在他處州縣事發
現被鞠問事同一案人在兩處發覺彼此
待對者聽將囚之輕者就重少者就多囚
數相等則以後發之囚送先發官司併問
此以路近者言之也若兩縣相去三百里
之外者不必就送併問各從事發處自行
歸斷違此就送各斷之法者笞五十其違
法而將囚之重者移就輕多者移就少而

輒囚少囚處當該官司不得以其違法推托隨卽收問仍將移囚就問緣由申達其所管上司究問其罪若囚到不受者亦計日論罪與違限不發之罪同彼不發此不受均屬違慢其事等也

條例

一凡校尉等有犯應提拏者移咨鑾儀衛提拏不得差拘

一凡在京衙門承審事件限一箇月審結被證在外者以到齊日爲始內外移咨行察者以文到爲始催文至三次無回文者題叅

一凡

欽部等事件直省督撫俱以文到日爲始限四箇月具題總督轄兩省者隔省事件限六箇月具題陝西總督所屬甘肅兩廣督撫所屬瓊州亦照隔省例限六箇月福建臺灣府限十箇月其湖廣衡州等府所屬有苗民二十六州縣及乾州平溪等衛距省寫遠凡命盜案件俱於定限外各展限兩箇月

一督撫新任及署理印務如

欽部等事件原限內難於完結准分別展限原限
四箇月展兩月原限六箇月展三月遇公事
出境一切事件准題請展限若監臨科場准
按日扣限隔省提人准到日扣限

一刑部行文入旂內務府五城順天府提人限
文到三日內卽行查送過部或人犯有他故
不到卽將情由報明如違將該管官叅處倘
人犯已至而胥役勒索不行放入經司務廳
查出照例嚴加治罪如徇隱不究察出或被

首告將該司務一併叅處

一刑部現審事件應會三法司者仍照定例限一箇月完結杖責等罪限十日完結發遣軍流等罪限二十日完結案內有應行提質及患病之犯以提到及病愈之日為始仍將應行扣限及三法司會審日期並於科道衙門註銷內聲明倘該司員任意因循或三法司不即會審以致逾限書役得以乘機作弊者嚴加治罪其承審司員及會審遲延之堂司

官并交部分別議處

一鄰境開提人犯照各省開查口供之例展限
兩箇月倘逾限不發照例叅處

依告狀鞠獄

凡鞠獄須依

原告人

所告本狀推問若於

本

狀外

別求他事撫拾

被告

人罪者以故入人罪論

以

全罪科或以
增輕作重科

同僚不署文案者不坐口若因

其

所告本

狀或法

應掩捕按檢因

掩捕

而檢

得被別罪事合推理者

非狀外撫拾者此

不在此

故入

日別求曰撫拾是文致羅織有意而為之
也故以故入人罪論

別罪事合推理者如被告藏匿罪人而掩
捕時又得窩隱強盜又如被告知情買盜
贓而搜檢時又得偽造印信之類皆合推
理者也

同論
之限

官司訊鞫獄訟須依原告人所告本狀內
事情推問若於狀外別求他事概拾入案
以坐被告入罪者以故入人罪論同僚不
署文案是不與同鞫者矣故不坐。若因
其所告狀內有應合掩捕搜檢因而檢得
狀外別項犯罪之事其事應合推理者不
在狀外別
求之限

條例

一凡鞫獄止將狀內有名人犯審擬如光棍案
件夥黨人多仍行嚴鞫究審無干牽連者卽
行釋放

原告人事畢不放回

凡告詞訟對問得實被告已招服罪原告人別

無待對事理

鞠獄官司當

隨即放回若無

待對事故

稽留三日不放者笞二十每三日加一等罪

止笞四十

此條稽留之罪在於無故日對問得實日已招服罪日別無待對事理皆無故之罪案也無故稽留誤其事業故計日論罪然但稽留而已故罪止於笞而笞止四十

條例

一督撫應題案件有牽連人犯情罪稍輕者准

訴訟律內既有誣告條又有見禁囚不得
告舉他事條而後著此條者蓋誣告內並
無犯罪之因誣指平人而不得告舉他事
止禁其告舉而未著其罪也

獄囚誣指平人

取的保候具題發落其重案內有被讐被害
者承問官申解督撫詳審果係誣枉卽行釋
放不得令候結案若承問官審係無辜牽連
者不必解審卽行釋放止錄原供申報

一凡內外題奏案件內有擬以杖笞人犯審結
日卽先行責釋仍於題奏之日聲明

凡囚在禁誣指平人者以誣告人

加三等

論其本

犯罪重

於加誣之罪

者從

原重

者論

○若

本因無誣指平

小斷獄

原告人事畢不放回

三十

官吏教令誣指不坐誣告加等而以故入人罪論者以其托於獄囚之口而非自誣之也

稽留被誣之人重干上條原告事畢不放

回者既已被誣不當更累之也

証佐通事不實之罪証內甚明而止言出

人全罪及增減人罪之例而不言入人全

罪可以類推也

箋釋云設罪有出入自己決放者言之蓋

准官司出入人罪之例也然本律曰減罪

人罪二等曰同罪非曰以故出入人罪論

也註曰增減其罪常用其法以科之猶誣

告反坐刺罪之義耳若拘出入人罪之法

以為本律之例則未決放者應減一等誣

佐應減三等通事亦減一等耶已決放

者至死反坐以死通事亦不得照名例同

罪者至死減等即本律証佐概減二等通

事同罪至死亦減一等其法原輕于故出

人之官吏鞠問獄囚非法拷訊故行教令誣

指平人者以故入人全罪論○若司追徵

錢糧逼令戶誣指平人代納者計所枉徵財

物坐贓論年以贓不入已也其物給代納主

○其被誣之人無故稽留三日不放

回者答二十每三日加一等罪止杖六十○

若司鞠囚而證佐之人不言實情故行

誣證及化外人有罪通事傳譯番語不

以實對致罪有出入者證佐人減罪人罪

入人罪故不論已未決放但因此成招已
經定案者即是總之尚未決放猶可改正
斷寬而不可謂律意如此也

二等

証佐不說實情出脫犯人全罪者減犯
人全罪二等若增減其罪者亦減犯人

所得增減之通事與同罪

謂化外人本有罪

罪二等之類通事與同罪通事扶同傳說出

脫全罪者通事與犯人同得全罪若將化外

人罪名增減傳說者以所增減之罪坐通事

謂如化外人本招承杖六十通事傳譯增作

杖一百即坐通事杖四十又如化外人本招

承杖一百通事傳譯減作答

五十即坐通事答五十之類

凡在禁之囚惟為獄官獄卒非理陵虐者

聽告別事干速者聽首此外不得告舉他

事若有誣指平人者隨所誣之罪以誣告

律加等論此謂加誣之罪重本犯之罪輕

也其本犯之罪重于加誣之罪則仍從本

罪論若官吏別有私意欲令獄囚誣指

平人于鞫問時非法拷訊按之意指迫之

以不得不從因執其口詞以陷平人於罪
斷獄獄囚誣指平人三十一

者以故入人罪論全科其罪獄因止坐本
犯之罪蓋所誣由於官吏之非法拷訊故
行教令非其本意也。若官司追征逋欠
錢糧因欠戶不能完納逼令其誣指無干
平人代納者計所枉徵財物之數坐贓論
罪其枉徵之物照追給主誣指之人不坐
以其由於逼令也。以上三項被誣之平
人既已追問明白卽應省釋而無故稽遲
聽候至三日不放回者當該官吏笞二十
每三日加一等至十五日以上罪止杖六
十。若有司推物罪囚之時詞內証佐不
言犯罪人之實情故行誣証通事傳譯不
以化外人之番語據實以對以致斷罪有
所出入者証佐人則減罪人罪二等通事
則與同罪蓋証佐雖徇誣証猶有兩造
質對之人故得減二等而化外人語言不
通而通事傳譯猶代其供招也故直
與同罪凡稱同罪者至死減一等

首節言故全出故全人之罪第二節言故增輕故減重之罪第三節言失出人之罪

包全出全入增輕減重在內第四節又通承上三節言之

註曰因受入財及法外用刑蓋舉受財以例一切徇私曲法之故者舉法外用刑以例一切殘暴曲法之故者每有酷虐之吏任意立威明知非法故用非刑以鍛煉而周內之雖無受財等情是亦故也法外用刑舊註謂如用火燒烙鐵烙人或冬月用冷水澆淋身體之類然用刑有法法所不當用即非法也五刑之外古之諸問惟用訊杖今之定例所用皆夾棍拶指竹板三項此外俱為非法然三項亦有定制如夾板太短竹板太大而夾夾者緩實過四十以外均屬違制亦皆非法也受財者又當參枉法律法外用刑者又當參故勘平人律各從重論

官司出入人罪

凡官司故出入人罪全出全入者

徒不折杖以流不折徒

全罪論

謂官吏因受人財及法外用刑而故加以罪故出脫之者並坐官吏以全

罪

○若

於罪不至全入但

增輕作重

於罪不至全出但

減重

作輕以所增減論至死者坐以死罪

若增作重入

至徒罪者每徒一等折杖二十入至流罪者

每流一等折徒半年入至死罪已決者坐以

死罪若減重作

輕者罪亦如之○若斷罪失於入者各減三

等夫於出者各減五等並以吏典為首首領

官減吏典一等佐貳官減首領官一等長官

故增故減至死者生以死罪與全出入無異蓋死生之際律所最嚴如罪本應絞而減為流雖止減一等而死者得生矣罪本應流而增為絞雖止增一等而生者致死矣增至死者應抵其命減至死者應抵此法故即坐以死也或謂故入至死斬絞全抵而放出者收贖非也按名例放出人罪謂之真犯常赦不原放出者豈得收贖耶

第二節本文原無折杖折徒明文然不折則以增減論者法無可施矣故註特詳之此折算之法與誣告不同誣告之徒流皆折為杖此則徒折為杖流折為徒也極告已論決全抵剩罪未論夾管杖收贖至徒流止杖一百餘罪收贖此則已夾放全科剩罪未決放者止減一等無收贖法也下失出入以吏典為首首領以上遞減而放出不言者有意故犯必非無因罪坐

減佐貳官一等科罪

坐以所減三等五等

○若因未決

放及放而還獲若囚自死

故出入失出入

各聽減一

等

其減一等與上減三等五等並先減而後算折其剩罪以坐不然則其失增失殘剩

杖剩徒之罪及有重

於全出全入者矣

故者有意而故為也故為曲法以開脫人罪曰故出故為曲法以枉坐人罪曰故入將有罪者不治以法而盡與開脫曰全出將無罪者不完實情而盡為枉坐曰全入其故全出入人管杖徒流死罪者即以折出所入之全罪及坐原問官司下文增輕作重減重作輕者必將徒折杖將流折徒以扣算增減之罪此則及坐全抵無所用折故註曰徒不折杖流不折徒也官吏故出故入必非無因故註曰因受人財及法

所由也其餘有知情不知情之分知情同坐不知情依失出入

飲者有意而為欲出欲入先有其意而後行之故直曰故出入失者無心之過或出或入一時錯誤而不自知也故曰失於入失於出其文張亦正不同

此以更典為首首領以上遞減一等者無心之錯即名例同儕犯公罪科法也于內一人有私自依故出入其餘不知者自依本律不著文案者不坐如本衙門所設無四等官者止照見設員數遞減或有缺員仍依數遞減

決放謂斷決發放因未決放放而還獲則現在可以改斷若囚已死原可勿論而出入之罪止減一等者以失出入之罪已減三等五等首領以下遞減一等此又減一等則已極輕而故出入之情重故特嚴之也

外用刑也法外用刑即非法拷訊受財與法外用刑是兩項有分有合或止受財或止法外用刑或既受財而又不法外用刑也然故出故入之因實不止此如懷挾私讐受人囑託曲徇情面畏懼勢要及怒犯人觸忤惡犯人強悍而故為出入者其情甚多而特註此二項以何之非謂必因此二項始為故也。若將人所犯輕罪故增為重所犯重罪故減為輕則扣除本犯應得之罪即以所增所減之罪坐之故增故減至死罪即坐以死如本犯流罪以下而故增至絞斬是法不應殺而殺之不得以非全入而寬之也如本犯絞斬而故減至流罪以下是法應殺而不殺不得以非全出而寬之也至於扣算增減之法笞杖則照數扣抵如罪應笞一十而增作笞五十則除本犯之笞一十而坐以所增之笞四十如罪應杖一百而減作杖六十則除已問斷獄官司出入人罪

故全出入人死罪與改增減入罪至死者
 若未決放俱減二等則應坐流然增減之
 罪自流以下皆以所增減論原與全出全
 入不同特因增減至死而坐以死謂有冤
 殺之命未正之法也今未決放仍可改斷
 故增減之官司減一等為流自照本法折
 為徒年半杖二百扣除本犯正罪而科其
 所增所減之罪如本犯是杖一百故增
 為斬則扣除杖一百坐以杖一百徒一年
 半如本犯是絞故減為杖六十徒一年則
 扣除杖徒之數坐以杖八十徒一年半後
 比例內該增有杖徒流至死者曰未決及
 囚自死者並聽減等流三千里折杖二百
 徒一年半各隨其所應得之罪除之坐以
 剩罪又故減死罪從舊杖徒流者曰若未
 放及放而還養者囚自死者並聽先減去
 一等依律折除則故增減至死聽減一等
 皆應如此折除科以剩罪不得照故全出

之杖六十而坐以所減之杖四十如增等
 杖為徒減徒為管杖則將徒亦折為杖每
 徒一等折杖二十五徒原包杖一百則徒
 一年者應折杖一百二十徒年半者應折
 杖一百四十徒二年者應折杖一百六十
 徒二年半者應折杖一百八十徒三年者
 應折杖二百以此扣抵而所增所減之杖
 數可得矣如增徒以下為流減流為徒以
 下則將流亦折為徒每流一等折徒半年
 三流原包五徒之杖二百則流二千里者
 應折徒半年杖二百流二千五百里者應
 折徒一年杖二百流三千里者應折徒年
 半杖二百以此扣算而所增所減之徒限
 杖數可得矣詳見後比例○失者無心而
 失錯也本無曲法加罪之意而誤將無罪
 為有罪輕罪為重罪者曰失於入本無曲
 法開釋之情而誤將有罪為無罪重罪為
 輕罪者曰失於出若官司審斷罪名將管

入者止論減一等也

未決放者故出入止得減此一等失入則
吏典通減四等再遞減至長官則七等矣
失出吏典通減六等再遞減至長官則九
等矣是以增減之罪多有減盡無科者可
見故之重而失之輕也

爰釋云因自死者不死於所入所增之法
則故失入增人之罪猶未成也故聽減一
等出減一邊說不得蓋出減而以死猶未
正其當得之法官吏焉得減其故失出減
之罪此說似是而實非本文自死者與未
決放放而還獲者並無分別按捕亡各律
因自死者皆有減等免罪之法豈可以此
減出之因自死為未正法而刻論之乎

杖徒流死罪失於全入及增輕作重者各
減失入全罪及所失增罪三等失於全出
及減重作輕者各減失出全罪及所失減
罪五等兩各字通指出入增減言而此失
入失出之罪並以吏典為首吏請刑名法
官檢舉故以為首而首領佐貳長官挨次
遞減科之凡全入全出者自照全罪減算
如將杖八十罪失增為杖一百流三千里
典吏減三等應杖八十徒二年折杖一百
六十除杖八十合坐增杖八十首領又減
一等應杖七十徒一年半折杖一百四十除
杖八十合坐增杖六十佐貳長官又遞減
之又如將絞罪失減為杖一百典吏減五
等應杖七十徒年半折杖一百四十除杖
一百合坐減杖四十首領又減一等應杖
六十徒一年折杖一百二十除杖一百合
坐減杖二十佐貳長官則減盡無科矣餘
倣此類推詳見後比例並以吏典為首以

下止承失出入言。以上故出入失出入皆指已經決放者言之也。若故失出入之笞杖徒流死罪尚未決未放可以改正放而還獲可以貼斷若因自死法已無漏則故失出入增減等項各聽減一等通承上三節言之註曰其減一等與上減三等五等並先減而後折算其剩罪以坐云此註是減等折算之關鍵蓋杖以下每十杖為一等三等徒則每一等折杖二十有徒為一等折杖即二等矣三等流每一等折杖半年而減法則三流同為一減減流為一等折徒即三等矣若不先減而即折算則徒之五等折杖為十等流之一減折徒為三等積而計之減等之利反有重於全罪者矣況至死者又無折算之法乎此條文義本無艱深難解處惟扣抵增減之法未明折算者視為難耳其大綱有三一曰五徒原包杖一百三流原包五徒之

杖二百也笞與杖皆以一十為一等笞五等至五十後入杖笞小杖大一杖抵二笞是倍加也杖入杖笞皆為杖則杖五等亦原包笞五十在內待笞杖皆以數為等不煩折算故不言耳杖五等至一百後依倍加法應加二十杖為一等而人不能受杖至一百之外故改杖為徒以徒五等代杖一百本以徒一等代杖二十而徒必兼杖故又減杖增徒將徒與杖對算同科如徒一等應杖六十又徒一年以代杖六十是原應杖一百二十者也自一等至五等倣此增算徒之緣起由於杖一百而增之豈非五徒之中原皆包杖一百乎蓋杖增徒乃科五徒之法而折算徒罪則於包杖一百之外再加徒算一等徒原抵杖二十五等抵杖一百與包杖一百共二百矣從杖二百入流猶從杖一百入徒三流但分遠近而皆杖一百者五徒之抵杖一百

新訣 官司出入人罪

三十五

已併入流之內矣豈非三流之中原皆包五徒之杖二百乎流罪徒而不返其法較重於徒是亦倍加於徒之義也一日折徒爲杖折流爲徒也增輕減重者以所增減論杖以下自可照數扣除若增杖至徒流而徒不折杖流不折徒則不能科算剩罪徒起於杖百之後原以二十杖爲一等故每徒一等折杖二十五徒皆包杖一百則徒一年應折杖一百二十至徒三年應折杖二百從笞杖入徒者以此扣算而增杖之剩罪可得矣流起於五徒之徒日以徒等爲率故每流一等折徒半年三流皆包五徒之杖二百則流二千里者應折徒半年杖二百至流三千里應折徒年半杖二百從笞杖徒入流者以此扣算而增杖之剩罪可得矣皆從強徒入重徒則止就五等扣除不必包杖一百算以徒一年至三年同是杖一百也從近流入遠流亦

止就三等扣除不必包五徒算以流二千
里至三千里同是包五徒之杖二百也一
曰先減而後折也其失入減三等失出減
五等首領以下遞減一等及未決放各聽
減一等必先照數減去而後折算剩罪蓋
三流同為一減折而後減則餘二等此易
見者若徒則與杖同加減者也杖以十杖
為一等徒以二十杖為一等折定之後以
杖等為減則失於重以徒等為減則失於
輕也折算增減之法盡於此矣

按誣告律內誣輕為重者徒流皆折為杖
若已論決全抵剩罪未論決笞杖收贖至
徒流止杖一百餘罪收贖此則徒折為杖
流折為徒已決放者全科增減之罪與誣
重相同未決放者僅減一等概不收贖則
嚴於誣告者矣蓋官吏乃執法之人倘法
為奸故由人人罪其情甚於誣告故名則
故出入人罪在常赦不原之列若失出入

則有減等之法原輕於誣告是以皆不用
贖法也然誣告內全抵剽罪至杖一百以
外者仍用減杖增徒法而此律則但云以
所增減論後比例內又云其剽罪全抵不
在收贖之限於是將所增減之罪不論輕
重一概照剽杖剽徒之數而全利之蓋謂
流犯折徒不復開杖增徒法也不知增
減之罪若輕重懸殊所剽之徒止年半所
剽之杖則有甚多者矣攸後比例各條內
有稱今坐杖一百三十者一百五十者一
百六十者是皆應照數論夾者也但原設
刑之意杖一百之後不再加杖而改爲徒
者本謂人不能受杖於一百以外故各律
內從無決杖至一百以外者何以此條獨
變其例彼全由全入者卽至徒流杖止一
百此增減之剽罪流雖折徒而杖至一百
以外不幾於殺之耶以擬與刃亦復何異
悉非律意竊謂剽杖至一百外者仍參用

歲杖增徒法則法無
不盡人亦堪受也

本律論增減剩罪之法三流折徒年半五
徒折杖二百若本犯笞杖輕罪增至徒流
本犯徒流重罪減至笞杖折徒者年一
年年半而止而折杖則有一百以外至一
百七八十者與原五刑本法罪至杖一百
以外即減杖增徒以杖數不得過一百之
外也故詎告剩罪止杖一百餘罪收贖金
抵者亦改杖還徒此獨全決剩杖既不惟
願又不折徒則科為減者名雖剩罪實有
甚於全出入者矣本文止曰以所增減論
註亦止曰徒折為杖流折為徒原無全決
剩杖之說按准流准死之徒有至四年五
年者杖未有至一百外者立法之意斷可
知已編以為剩杖至一百外者仍減杖增

凡故增笞從徒如犯笞一十故增作杖八十徒

二年徒三等折杖六十原包杖一百通折杖

一百六十除犯該笞一十合坐官吏剩杖一

百五十未決者減一等杖七十徒一年半折

杖一百四十除犯該笞一十合坐剩杖一百

三十其剩罪俱全抵不在收贖之限

凡故增杖從徒如犯杖八十故增作杖六十徒

一年通折杖一百二十除犯該杖八十合坐

徒爲是

大清律例

官吏剩笞四十未決者減一等杖一百除犯該杖八十合坐剩笞二十

凡故增杖從流如犯杖八十故增作杖一百流二千五百里流二等折徒一年三流原包五徒折杖二百徒一年除犯該杖八十合坐官吏剩杖一百二十徒一年未決者減一等杖一百徒三年通折杖二百除犯該杖八十合坐剩杖一百二十

凡故增輕徒從重徒如犯杖六十徒一年故增

作杖九十徒二年半徒四等折杖八十除犯該徒一年折杖二十合坐官吏剩杖六十以徒從徒不必包杖一百算也雖包算其罪亦同未決者減一等杖八十徒二年折杖六十除犯該折杖二十合坐剩笞四十

凡故增徒從流如犯杖七十徒一年半通折杖一百四十故增作流二千里折徒半年三流原包五徒折杖二百徒半年除犯該杖一百四十合坐官吏剩杖六十徒半年未決者減

一等杖一百徒三年折杖二百除犯該杖一百四十合坐剋杖六十

凡故增近流從遠流如犯杖一百流二千里折徒半年故增作流三千里折徒一年半除犯該徒半年合坐官吏剋徒一年以流從流不必包五徒折杖二百算也未決者減盡無科減遠流從近流者倣此

凡故增管杖徒流至死如增至死罪本無折法已決者反坐以死若未決及囚自死者並聽

減等流三千里原包五徒折杖二百徒一年
半各隨其本應得之罪除之坐以剩罪

凡故減徒從笞如犯杖六十徒一年折杖一百
二十故減作笞五十除已得笞五十合坐官
吏剩杖七十未放者減一等杖一百除已得
笞五十合坐剩笞五十

凡故減徒從杖如犯杖九十徒二年半折杖一
百八十故減作杖一百除已得杖一百合坐
官吏剩杖八十未放者減一等杖八十徒二

年折杖一百六十除已得杖一百合坐剩杖六十

凡故減重徒從輕徒如犯杖一百徒三年折杖二百故減作杖七十徒一年半折杖一百四十除已得杖一百四十合坐官吏剩杖六十未放者減一等杖九十徒二年半折杖一百八十除已得杖一百四十合坐剩笞四十凡故減流從笞如犯杖一百流二千里折徒半年故減作笞四十三流原包五徒折杖二百

徒半年除已得笞四十合坐官吏剩杖一百
六十徒半年未放者減一等杖一百徒三年
折杖二百除已得笞四十合坐剩杖一百六
十減流從杖做此

凡故減流從徒如犯杖一百流三千里折徒一
年半故減作杖八十徒二年折杖一百六十
三流原包五徒折杖二百徒一年半除已得
杖一百六十合坐官吏剩笞四十徒一年半
未放者減一等杖一百徒三年折杖二百除

已得杖一百六十合坐剗笞四十

凡故減死罪從笞杖徒流如死囚已放者及坐
以死若未放及放而還獲若囚自死者並聽
先減去一等依律折除

凡失增笞從杖如犯笞三十失增作杖一百失
入減三等該杖七十除犯該笞三十吏典爲
首合坐剗笞四十未決者又減一等合坐吏
典首罪笞三十

凡失增笞從徒如犯笞一十失增作杖一百徒

三年失入減三等杖七十徒一年半折杖一百四十除犯該笞一十吏典爲首合坐剩杖一百三十未決者又減一等杖六十徒一年折杖一百二十除犯該笞一十合坐吏典首罪杖一百一十增杖從徒倣此

凡失增杖從流如犯杖一百失增作杖一百流三千里失入減三等杖八十徒二年折杖一百六十除犯該杖一百吏典爲首合坐剩杖六十未決者又減一等杖七十徒一年半折

杖一百四十除犯該杖一百合坐吏典首罪
笞四十

凡失增輕徒從重徒如犯杖六十徒一年折杖
二十失增作杖一百徒三年失入減三等杖
七十徒一年半徒二等折杖四十除犯該杖
二十吏典爲首合坐剩笞二十首領官減一
等笞一十佐貳官減盡無科未決者又減一
等杖六十徒一年則與本該罪名同矣雖吏
典亦減盡無科以徒從徒及以徒從流俱不

包杖一百之數

凡失增徒從流如犯杖六十徒一年折杖二十
失增作杖一百流三千里失入減三等杖八
十徒二年徒三等折杖六十除犯該杖二十
吏典爲首合坐剩笞四十未決者又減一等
杖七十徒一年半折杖四十除犯該杖二十
合坐吏典首罪笞二十

凡失增笞杖徒流入死如死囚已決者亦減三
等若未決及囚自死又減一等吏典爲首其

減至徒罪亦折杖除之

凡失減杖從笞如犯杖一百失減作笞三十失
出減五等笞五十除已得笞三十吏典爲首
合坐剩笞二十未放者又減一等笞四十除
已得笞三十合坐吏典首罪笞二十

凡失減徒從笞如犯杖七十徒一年半失減作
笞二十失出減五等杖七十除已得笞二十
吏典爲首合坐剩笞五十未放者又減一等
杖六十除已得笞二十合坐吏典首罪笞四

十減徒從杖倣此

凡失減流從笞如犯杖一百流三千里失減作
笞一十失出減五等杖六十徒一年折杖一
百二十除已得笞一十吏典爲首合坐剩杖
一百一十未放者又減一等杖一百除已得
笞一十合坐吏典爲首罪杖九十

凡失減流從徒如犯杖一百流三千里失減作
杖六十徒一年失出減五等杖六十徒一年
吏典爲首減盡無科

凡失減死罪從流徒杖笞如死囚已放者亦減
 五等若未放及放而還獲或因自死者又減
 一等其徒亦折杖除之

按故增笞從徒折杖官吏合坐剩杖一百三
 十其剩罪俱全抵不有收贖之限所謂全抵
 者非滿杖以上皆換杖也凡增笞杖從徒減
 徒從笞杖及增減徒從徒者每徒一等折杖
 二十若所剩杖數至滿杖以上則減杖加徒
 如剩杖一百一十應作笞五十徒一年一百
 二十應作杖六十徒一年一百三十應作杖
 六十徒一年半一百四十應作杖七十徒年
 半之類其增笞杖徒作流減流作笞杖徒及
 增減流徒者每流一等折徒半年如犯笞一
 十故增作流二千五百里流二等折徒一年
 三流原包五徒除已得等一十合坐剩罪杖

六十徒四年如犯滿三千里故城作第二十一
流三等折徒年半三流原包五徒除已得管
二十合坐剩罪杖八十徒四年半之類故曰
全抵剩罪不在收贖之限總之折徒不得至
五年而夾杖不
得過一百也

條例

一承審官改造口供故行出入者革職改入死
罪已決者抵以死罪其草率定案証據無憑
枉坐人罪者亦革職

一凡初次供招不許擅自刪改俱應詳載揭帖
若承問官增減原供希圖結案按察使依樣

轉詳該督撫嚴察題參不行察參將該督撫
交部一併議處按察使亦不得借簡招之名
故為刪改倘遇有意義不明序次不順與情
罪並無干礙即就近核正由轉將改本備案
不得發換銷毀違者依改造口供故行出入
例議處

一凡謀反謀叛之罪照律連坐籍沒其餘情罪
詳載律內俱應照律擬議不得存心陷害借
言情罪重大誣指朋黨妄議株連父母兄弟

妻子籍沒家產若承審官於本罪外捏造此等言語株連父母兄弟妻子籍沒家產者卽照故人人死罪律治罪

一凡督撫具題事件內有情罪不協律例不符之處部駁再審該督撫虛心按律例改正具題將從前承審舛錯之處免其議處若駁至三次督撫不酌量情罪改正仍執原議具題部院覆核其應改正者卽行改正將承審各官該督撫一併交與該部議處

曰臆魔辨明必有徇私之情是猶奏事詳不以實也故其罪同

原問官被誣則有故人之罪當從其重者論之

知情不知情解者皆謂罪人申訴問刑官為辨明是知情罪人不曾申訴問刑官為辨明是不知情夫無從稱冤極意求勝罪人常情豈得以申訴之為即為知情之乎且與各條內年情之義不合也必罪人合緣期滿問刑官聽從和同始可謂之知情不然問刑官若無私情豈肯為人隱庇奏據至於隱庇犯贓各有本律故此不言其罪人不知情應是問刑官聽從已見所為盡有偏見因即曲為之說是亦隱庇也前節是辨其冤枉者故曰被誣之人次節是辨其不冤枉者故曰所辯之人

辨明冤枉

凡內外問刑衙門辨明冤枉須要開具本所枉

事蹟實封奏聞委官追問其冤情得實被誣之

人依律改正所枉之罪坐原告誣告原問官吏以故

失人罪論○若因事本無冤枉朦朧辯明首杖一

百徒三年既曰朦朧則原告原問官為其誣矣若所誣罪重杖

一百徒三年者以故出入人罪論所辯之罪人知

情與朦朧同罪如原犯不知情者不坐

內外問刑衙門辨明冤枉乃其責任所應為者然須開具本犯冤枉事蹟實封奏聞

同罪同其杖一百徒三年之罪所証重者亦同

委官追問如果冤枉所辯得實被証之人依律改正所枉之罪反坐原告如証告律原問官吏以出入人罪論係失者坐失罪係故者坐故罪○若事情本無冤枉問刑官為其原職辨明者杖一百徒三年既與曉曉辨明則原告原問官俱應坐罪如前是為其所証矣若計所証之罪重於杖一百徒三年者以故出入人罪論其所辨之罪人知情者同罪不知者不坐

條例

一法司凡遇一應稱冤調問及各衙門奏送人犯如有冤枉及情罪有可矜疑者即與辯理具奏發落毋拘成案若明知冤枉不與辯理

者以故入人罪論

一法司遇有重囚稱冤原問官員輒難辯理者
許該衙門移文會同三法司堂上官辯理果
有冤枉及情可矜疑者奏請

定奪

一凡在外審理事件應照案內人犯籍貫批委
該管地方官審理明白申詳完結既經批委
不得反覆改批別屬如果情事未明務須詳
細指駁倘原問官仍復朦朧申詳卽題參議

處另委別官審理若督撫等官將事理已明
之案故生枝節屢行批駁遲延不結者亦交
該部議處

一凡被叅革職訊問之員審係無辜卽以開復
定擬不得稱已經革職無庸議題覆其原叅
重罪審虛尙有輕罪應以降級罰俸歸結者
開復原職再按所犯分別降罰

有司決囚等第

凡

有司

獄囚

始

而鞫問明白

繼

而

追勘完備

軍流徒

犯

刑

律

斷獄

有司決囚等第

罪各從府州縣決配至死罪者在內法司定

議在外聽督撫審錄無冤依律議擬刑絞情罪法

司覆勘定議奏聞候有回報應立決者委官處決故

延不決者杖六十其公同審錄之際若犯人行反

與在部家屬代稱冤審錄官即便再推鞠事果

違枉自同將原問原審官吏通問改正同將原問

原案之官吏通行○若明稱冤抑審錄不

為申理或受賄失或一時

究論

此言決囚立詳換也凡有司於獄因招狀
情罪已經鞫問明白應行追勘事理已絕
先備軍流徒罪各從府州縣詳明該上司
定配發遣該督撫于年底彙題具冊報部
惟至死最重在內聽三法司會同勘擬左
外職督撫具招擬罪三法司覆勘核實定
議或監候或立決奏聞請旨定奪其奉旨
立決者卽行委官處決有敘延不決者杖
六十○若於朝審秋審之時其應決犯人
反異原招或家屬稱訴冤枉者審錄官員
卽便推詳鞫問其事果有違枉將初鞠之
原問官吏勘錄之原審官吏運行提問公
同喚正其罪○若犯人明白辯訴稱有冤
抑審錄官拘泥成案不卽爲之申理改正
者以入人罪分故失論如有受犯人怨家
屬託徇私得財緣情則以故入人罪論如
係一時失於詳察非有
私意則以失入人罪論

斷訣 有司決囚事

條例

一秋審時督撫將重犯審擬情實緩決可矜具
題限七月十五日以前到部刑部將原案貼
黃及法司看語并督撫看語刊刷招冊進呈
御覽仍送九卿詹事科道各一冊八月內在

金水橋西會同詳核情實緩決可矜分擬具題
請

旨定奪其

盛京等處案件亦造入各省秋審案內具題俟

命下日先後咨行直省將情實人犯於霜降後冬
至前正法其咨文到地方限期雲南貴州四
川廣西廣東福建限四十日江西浙江湖南
甘肅限二十五日江南陝西湖北限十八日
河南限十二日山東山西限九日直隸限四
日

盛京限十五日寧古塔限一箇月限內遲延不
到者該督撫將遲延地方官察明指參至於
秋審具題後如有新結重案俱入次年秋審

逃犯未獲者卽入秋審冊內一併詳審其叛
逆案內牽連待質人犯雖過三年仍行監候
一凡立決之犯部文到日如正印官公出令同
城之州同州判縣丞主簿等官會同本城武
職遵查不停刑日代行監決若該地方無佐
貳官令該知府於部文到時卽委府屬之同
知通判經歷等官速至該州縣會同武職代
行監決該佐貳等官監斬後將正印官因何
事公出并見委某官於何年月日會同武職

御筆勾除者正法其餘仍監固

一杖笞等輕罪五城及提督衙門俱照例自行
完結若罪重於杖笞者俱審明送刑部定擬
一刑部彙題事件內如竊盜三犯贓數不多改
遣家奴喫酒行兇發遣及賭博擬流販私擬
徒軍民通姦擬以枷責等項平常罪犯於審
結之日卽照例先行發落仍於彙題疏內聲
明

一殺人及強盜等罪監候質審人犯知過三年

一刑部見監重犯每年一次

朝審刑部於霜降前摘緊要情節刊刷招冊進

呈

御覽仍送九卿詹事科道各一冊於霜降後十日

在

金水橋西會同詳審擬定情實緩決可矜具題

請

旨定奪其情實者候

命下之日刑科三次覆奏經

某官監決何犯逐一詳報各上司查核

一秋審斬絞重犯有三次俱擬緩決及三次俱擬情實該督撫察其情罪無可更定者只令有司敘由詳報核招具題停其解審如該犯雖經三次審定該督撫揆其情罪尙涉可疑者仍提解親鞠至三次中有前擬情實後改緩決前擬緩決後改情實者仍照例解審

一秋審應決重犯冬至以前文到者照例行刑已過冬至或正值冬至齋戒日期文到者仍

人人命事情報到州縣印官即先檢驗供後申報不符妄牒也人命非身首異處者究抵全憑屍傷報到即檢其屍未變其傷易見檢驗時件作報一傷痕必須與兇器符合據屍親看驗取犯認供令于証實証再查案無遺漏然後填註屍狀屍狀即合屬格也初檢詳議的確可免後日復檢蒸骨之慘然血肉之傷一至發變即易防移是傷非傷與顏色深淺長短分寸便難辨別件作因而作弊妄報不實之故往往在此故本律肯言遲延之罪也

初復檢官吏扶同屍狀者謂初檢之後審其傷仗供証不相符合因另委官復檢其官更不結察前後有無互異但照初檢扶

檢驗屍傷不以實

牢固監禁俟次年秋審應決人犯一併題明處決其遲延各官交部議處

凡初官可檢驗屍傷若承牒到託故延不即檢驗

致令屍變及雖即檢驗不親臨屍監視轉委吏卒

憑臆增減傷痕若初與復檢官吏相見扶同屍狀及

雖親臨不為用心檢驗移易如移屍作輕重

如木輕報重木增減如少增作多如屍傷不

實定執害致死根因不明者正官杖六十同

同疑衆也

五項中惟後易輕重增減是檢驗受傷不實其餘皆違檢驗律令之罪耳不為用心一語實各項致罪之由惟不用心即非有實故犯乃公罪矣故官吏分別科斷致有增減止照失出入也

正官罰正印官即失出入律內長官也失出入吏典首領佐貳長官分四項此止官三項罪不及佐貳如致罪有增減以失出入論仍照本律止科三項以吏典為首首領減吏典一等正官減首領一等不得併科佐貳所謂各依本法也初檢復檢皆謂檢驗或謂初視皮肉為驗後行拆蒸為驗非也

首領官杖七十吏典杖八十件作行人檢驗

不實扶同屍狀者罪亦如吏典以杖之其官史仵

作因檢驗不實而罪有增減者以失出入人罪論

失出減五等○若官吏受財故檢驗不以實

致罪有增減者以故出入人罪論於故出故

者計贓以枉法各從重論止坐受財檢驗不實之人其餘不知

情者仍以失出入人罪論

此條首節分五項看而其罪則同也一則託故不卽檢驗凡命案必以屍傷為憑而檢驗屍傷須在身死未久尚未發變腐爛之時則傷痕之顏色分寸確然可指若委

牒已到當該官司猶不卽行檢驗致令屍
 變則有遲緩之過矣一曰不親臨而轉委
 人命至重例須正官檢驗若承牒之後不
 親臨監視轉委吏卒傷痕既未親見難免
 增減之弊也一曰官吏扶同屍狀謂初檢
 後復檢官吏不細心詳察仍復扶同屍狀
 相見猶相與也一曰不爲用心檢驗官司
 雖卽親臨監視而不用心細看傷痕致有
 移易輕重增減之事移者如腦傷移作頭
 腦傷移作肋而受傷之處不同也輕重者
 如赤色本重報作微紅淡色本輕報作紫
 黑則受傷之處雖同而傷之輕重不同也
 增減者少傷而增爲多傷有傷而減爲無
 傷之類再如長闊大小圓圓深淺分寸之
 間有所增減者亦是皆屍傷不實也一
 曰致死根因不明謂致死必有根因未曾
 推勘明白執定何傷致命是否死於受傷
 或是勒非鎗先傷後病及其毆而下手致

此二條乃檢驗之通例所以補律之未備

條例

一遇告訟人命有自縊自殘及病死而妄稱身

命之人不的之類是也凡有此五項承牒正官杖六十同檢首領官杖七十當該吏典杖八十件作行人奉行檢驗有所不實如移易輕重增減等類扶同官吏捏報屍狀者亦論如更典之罪因官吏作之檢驗不實而致議罪有所增減以失出入人罪論謂雖不實原非有意也若失出入人罪仍依本律○若官吏作檢驗時受賄手之財而移易減輕受屍親之財而移易加重故不以實錄罪有增減者以故出入人罪論仍計其入已之賊以枉法各從重論賊罪重依枉法論出入罪重依故出入也凡受賄之罪皆坐所由故註云云

死不明意在圖賴詐財者究問明確不得一
概發檢以啟弊竇其果係鬪殺故殺謀殺等
項當檢驗者在京委刑部司官及五城兵馬
司京縣知縣在外委州縣正印官務須於未
檢驗之先卽詳鞠屍親証佐兇犯人等令其
實招以何物傷何致命之處立爲一案隨即
親詣屍所督令仵作如法檢報定執要害致
命去處細驗其圓長斜正青赤分寸果否係
某物所傷公同一千人衆質對明白各情輸

服然後成招或屍久發變青赤顏色亦須詳
辯不許聽憑件作混報擬抵其件作受財增
減傷痕扶同屍狀以成寃獄審實賊至滿數
者依律從重科斷

不先究致死根因明確
行檢驗者官吏以違制論

一諸人自縊溺水身死別無他故親屬情願安
葬官司詳審明白准告免檢若事主被強盜
殺死苦主自告免檢者官與相視傷損將屍
給親埋葬其獄囚患病責保看治而死者情
無可疑亦許親屬告免覆檢若據殺傷而死

者親屬雖告不聽免檢

一凡人命重案必檢驗屍傷註明致命傷痕一經檢明卽應定擬若屍親控告傷痕互異者許再行覆檢勿得違例三檢致滋拖累如有疑似之處委別官審理者所委之官帶同仵作親詣屍所不得弔屍檢驗

一凡外省駐防旗人遇有命案該管旗員卽會同理事同知通判帶領領催屍親人等公同檢驗一面詳報上司一面會同審擬如無理

一凡人命呈報到官該地方印官立即親往相驗止許隨帶件作一名刑書一名皂隸二名一切夫馬飯食俱自行備用并嚴禁書役人等不許需索分文其果係輕生自盡毆非重傷者卽於屍場審明定案將原被鄰証人等釋放如該地方印官不行自備夫馬取之地方者照因公科歛律議處書役需索者照例

計賊分別治罪如故意遲延拖累者照易結
不結例處分若係自盡並無他故屍親捏詞
控告按誣告律科斷如刁悍之徒藉命打搶
者照白晝搶奪例擬罪仍追搶毀物件給還
原主其勒索私和者照私和律科斷勒索財
物入官至該管上司於州縣所報自盡命案
果屬明確無疑者不得苛駁准予立案若情
事未明仍卽秉公指駁俟其詳覆核奪

一大縣額設仵作三名中縣額設二名小縣額

設一名仍於額設之外再募一二人令其跟隨學習預備頂補每名給發洗冤錄一部選委明白刑書一人與仵作逐細講解每人撥給皂隸工食一名學習者兩人共撥給皂隸工食一名若有曖昧難明之事果能檢驗得法洗雪沉寃該管上司賞給銀十兩其有檢驗故行出入審有受賄情弊者照例治罪不許克役

一地方呈報人命到官正印官公出壤地相接

不過五六十里之鄰邑印官未經公出卽移
 請代往相驗或地處遙遠不能朝發夕至又
 經他往方許派委同知通判州同州判縣丞
 等官毋得濫派雜職其同知等官相驗填具
 結格通報仍聽正印官承審如有相驗不實
 照例叅處

決罰不如法

此條首節言已開結有罪應決之人 公
 節言因公事雖非有罪之人亦有應責之
 過 末節總承上言
 均微埋葬疏義諸書皆謂官雖行杖之人
 案釋謂止言官吏與同僚之共署文案者
 并有該官吏因字是應於官吏均微不

凡官司決人不如法 如應答而用杖 者笞四十因而致
 死者杖一百 當該官吏 均徵埋葬銀一十兩 給付死者

及行杖之人也但後云並罪坐所由如由
行杖之人不如法則致死之罪應坐行杖
人豈非坐行杖人而逞暴則均徵官吏耶
蓋均平雖謂官吏而追徵埋葬之法則不
致死之罪而來也竊謂罪坐官吏則均徵
官吏罪坐行杖人則追征行杖人又節監
臨與下手人亦然矣考

受財有兩項有役吏之人行求決不及膚
者有被決怨家行求決不如法者
虛怯去處謂答背腰屬等不勝刑杖之所
也

監臨官或令人打或自毆必至折傷以上
方坐罪若未至折傷即勿明矣而官司決
人但不加法即坐答四十並在官司成其
據例在監臨臨竟不與也

曉諭之使謂監臨使令打人非使令其非
法打也若聽使非法則事由監臨下手之
人勿論矣何減一等之有

之家行杖之人各減一等不追銀其行杖之人若

決不及膚者依驗所決不及之數抵罪或由

或由或由並罪坐所由若受財而決不如法者計
行杖決不及膚

賊以枉法從重論○若監臨有司之官因公

事主令下於人虛怯去處非法毆打及親自

以大杖或金刃手足毆人至折傷以上者減

凡關傷罪二等致死者杖一百徒三年追埋

葬銀一十兩其聽使下手之人各減一等並

罪坐所由如由監臨坐監臨由下手坐下手若

罪坐所由手若非公事以故勘平人論若

監臨非法毆打與故勘平人不同故勘是
借公法以行私意即依法拷訊而故勘之
罪不可逭也故折傷同凡毆致死即斬此
是因暴怒而致過差雖非法毆打而因公
之情可原也故折傷減二等故死止徒
下

兩節俱有罪坐所用之文則由官司監臨
者行杖下手之人即不坐由行杖下手之
人者官司監臨即不坐矣按故勘平人內
欲知情與同罪隨處罪囚內提牢官知
而不舉與同罪今此條若由官司監臨則
行杖下手之人亦難言不知若由行杖下
手之人則官司監臨又何可不舉然行杖
下手之人皆聽命於官司監臨者有所主
使勢難不遵則由於官司監臨者行杖下
手之人猶可勿論由於行杖下手之人而
官司監臨視其作樂而不問亦竟勿論乎
候考

官司決罰人於人臂腿受刑去處依法決打
監臨責打人於人臂腿受刑去處依法決打
邂逅致死及之後自盡者各勿論

決罰者決打以示罰竹板有一定之制受
刑有一定之所違其制離其所皆所謂不
如法也凡已經問結之人官司發落時決
罰不如法者笞四十因決不如法而致死
者杖一百均徵埋葬銀一十兩給付死者
之家均者均攤之義謂於當該官吏名下
均攤共出非謂每人皆徵一十兩也行杖
之人自不如法決人比官吏各減一等不
如法笞三十致死杖九十決不及膚謂決
打太輕如打衣打地之類依驗決不及膚
之點抵罪並罪坐所由由官吏使令則坐
官吏由行杖人則坐行杖人也若官吏行
杖人有受人財而或決不如法或決不及
膚者計贓以枉法從其重者論之贓罪重

在官司謂之不如法但於法稍有不依而
所決者又已經定罪之人也在監臨謂之
非法則於法全然不依而所打者又止為
公事之人也故官司之罪輕監臨之罪重

從杖法賊罪輕仍從本律○監臨之官兼
有司管軍官言公事舊註謂如有司催徵
錢糧詢問公事提調造作監督工程之類
及管軍官操練軍馬演習武藝督軍征進
修理城池之類然亦不必拘定凡一切應
行公務但情不涉私事非梯已者皆是也
於公事而有違誤遲緩雖不能廢擲扑然
固有法也若令人打於虛怯之處及自以
大杖金刃手足毆之則甚於不如法矣決
罪人猶須如法況止因公事乎故至折傷
以上則減凡人鬪傷之罪二等致死者杖
一百徒三年仍追徵埋塋銀兩其聽使下
手之人自行非法毆人虛怯處各減監臨
官罪一等折傷以上減凡鬪三等至死杖
九十徒二年半並罪坐所由由監臨坐監
臨由下手坐下手也按刑具圖開應決者
執小頭臂受所謂受刑處也既係依法決
打則是法所應然邂逅致死及負痛恚忿

而自盡者皆非官吏行杖下手人之過故
勿論統承官司央罰臨臨因公事責人言

條例

一奉天地方審理事件人犯到案先將鎖鍊盤

於地上令其膝跪又以荆條互擊其背著永

行禁止

長官使人有犯

凡在外各衙門長官及在內出使人員於所在

去處有犯一應公者所部屬官等流罪不得

越分輒便推問皆須開具所申覆本上司區處

按名例內已有在京在外大小官員有犯
罪名不許擅自開之條此又重在掌印
官與出使人員也

所部屬官等為長官有犯首言也若使人
有犯長官亦不得擅問當知屬官中獲收
管而已

一應所犯皆不得准問死罪則先收管而
已故註云法罪以下

申覆悉死罪在內候回報統承上言非獨死罪也

若犯死罪

先收管聽候上司回報所掌本衙印

信

及倉庫牢獄

鎖鑰發付欠官收掌若無長官次

官掌印

有犯

者亦同長官違者

部屬官吏

笞四十

各衙門長官則責任重出使人員則奉命重長官於仕所使人於所在去處有犯罪名者所部屬官等不得輒便推問皆須將所犯事由申覆上司區處若犯死罪則應收管聽候回報其長官所掌印信鎖鑰發付本衙門以次佐貳官收掌若無長官次官奉委掌印者有犯亦同長官違者笞四十謂屬官輒便推問也

斷罪引律令

凡官斷罪皆須具引律例違者

如不具引笞三十若

其引者如強盜得財則其引強盜已行而得財者官斬不得但曰強盜應斬也數

大清律例注卷二十八

刑律

斷獄

長官使人有犯

五十九

事此條者如冒認誣賾局騙拐帶四事一條犯係冒認則止引冒認也餘可類推

律數事共一條官止引所犯本罪者聽所犯

止合一事聽其摘

引一事以斷之

○其特旨斷罪臨時處治

不為定律者不得引比為律若輒引

比致斷

罪有出入者以故失論

故行引比者以故出入人全罪及所增減

坐之失於引比者以失出入人罪減等坐之

具引者備載也官司依律例以斷罪招內皆須具引律例違者答三十恐割裂摘引不合律例之意而為舛誤之地也若數事共載一條所犯止合一事則聽止引所犯罪名以斷之○律例乃通行永遠之法其奉特旨斷罪或輕或重係臨時權宜處治不定為律者則非通行永遠之比不得引此特旨比擬為律以斷罪者輒引比以致

不合律例罪有出入者以故失論有意徇私引比則坐故出入不諳錯誤引比則坐失出入也

條例

一督撫審擬案件務須詳核情罪畫一具題不許輕重兩引承問各官徇私枉法顛倒是非故出故入情弊顯然及將死罪人犯錯擬軍流軍流人犯錯擬死罪者仍行指名叅處至於擬罪稍輕引律稍有未協遺錯過失等項察明舉非徇私及軍流以下等罪錯擬者免

其奏苑卽行改正

一承問各官審明定案務須援引一定律例若
先引一例復云不便照此例治罪更引重例
及加情罪可惡字樣坐入罪者以故入人罪
論

一例載比照光棍條款仍照例酌定擬外其
餘情罪相仿尙非實在光棍者不得一槩照
光棍例定擬

一除正律正例而外凡屬成案未經通行者爲

刑罪一或不變必究得真情使其心折無
辭乃為信獄又必喚囚之家屬具告所斷
罪名若恐囚愚昧雖有冤情不能自直家
屬中或有為之代理者也

定例一集嚴禁毋得混行牽引致罪有出入
如督撫辦理案件果有照舊案相合可援為
例者許於本內聲明刑部詳加查核附請著
為定例

獄囚取服辯

服者心服辯者辯遲不當則辯
當則服或服或辯故曰服辯

凡獄囚有

犯徒流死罪

各喚本囚及其家屬

到官具告所斷罪名仍責

取囚服辯文狀以服其心

若不服者聽其

文狀自辯

理更為詳審違者

徒流罪皆四十死罪杖六十○其囚家屬遠

在三百里之外不及喚告者止取本囚服辯文狀

不在具告家屬罪名之限

徒流皆重罪死罪乃極刑若不先使本犯及其家屬知之而竟自成獄則因之以不知也或心有未服無從置辯故必具告所斷罪名取囚輪服無辨文狀或因有未服若不許其自行訴理竟日論夾則威之以不敢也或情有未盡無由自明故必聽其自理更爲詳審違者徒流管四十死罪杖六十○囚之家屬在三百里之外則不得因有罪之囚而反累無罪之人故止取囚之服辯文狀不更喚其家屬以告也

赦前斷罪不當

按舊赦所不原內亦有輕罪不赦重罪得赦者蓋以犯事之情由爲憑不限輕重也如獄卒不覺禁囚者減囚罪二等死罪囚則應消從過減應免故縱者與囚同罪杖

凡官司過赦但經赦前處斷刑名罪有不當若處輕爲

罪過赦亦不免也故處輕為重者但言改正從輕不言應否赦免以輕罪向亦有不應赦免者也處重為輕者則曰其情故所不免者依律貼斷其字之義則知重罪內有常赦應原而不貼斷者外律文簡每結嚴如此等釋諸家皆謂輕罪皆赦重罪不赦殊非律意

止言輕重不當若有全出全入者亦當同論

處斷輕重之罪半犯過赦得免而官司故出入者皆不得原免名例故出入人罪原在常赦不免之內也

重其情本係者當依改正從輕以就恩處重

為輕其情本常赦所不免者當依律貼斷以

俾若處輕為重處官吏於赦前故出入而非失

者雖會赦並不原宥其故出入之罪若係失

赦前處斷過刑名於所犯本罪輕重不當

尚未論決至赦後發露若處輕罪為重則

改正其不當之重罪以從本犯之輕罪處

赦則免若處重罪為輕其重罪若係常赦

所不免者則依貼斷之律仍盡本犯之罪

不令俾免也此輕出重人處斷官吏係無

心之失亦得赦免若故出入則雖

會赦並不原宥仍依故出入論罪

條例

一遇直省

特差恤刑之時有審諸者原問官俱不追究

恐官慮罪

及已不肯辯明冤枉也則會赦可以類推

一承問官審理事件錯擬罪名者不拘犯罪輕

重錯擬官員遇

赦免議

一督撫承問叩

閣事件除情罪重大不在

赦款者仍依限審結具題外其餘輕罪與

赦款相符卽行釋放彙題銷案

一奉

恩詔以前直省虧空已結各案令各督撫分晰造冊送部其案內人犯有罪名而會

赦邀免者俱准釋回原族籍如案內有不應豁免之項卽行文原族籍著追其甫經審題各案俟已結之日將並無罪名各犯查明任所有無贓財取結報部亦令釋回原族籍倘本案已清別案有查追事件清結之日亦卽報部

釋回原旅籍其奉

恩詔以後之案不在此列

一原非侵盜入已照侵盜擬罪之犯較之實和
侵欺情罪稍輕及虧空軍需錢糧係由那移
獲罪或經核減着賠尙與入已軍需有間遇
恩赦豁免行令各該旅省咨報戶部查明會同刑
部奏請

定奪

聞有恩赦而故犯

同赦故論決不特深刻殘忍使罪囚不得
邀恩免其中恐有受賄賂曉挾私銜怨

而為之有政處其法也先雖犯罪後已應赦則猶無罪者矣而故先論決非故入而何

凡聞知

將

有恩赦而故犯罪

以觀

者加常犯一

等

其故犯至死雖會赦並不原宥○若官司者仍依常律

雖會赦並不原宥○若官司

聞知

將

有恩赦而故論決囚罪者以故入人

罪論

若常赦所不原而論決者不坐

聞知將有恩赦而故行犯罪以為必將原免法不能加此好人之尤其心可誅照所犯罪上加一等科之至死罪仍依常律雖係應赦之罪會赦並不原有○若官司聞知將有恩赦而故將應原免之罪囚先行論決者或受財或受屬或啣私或挾仇俱不可知故以故入人全罪論不在原宥之列若常赦所不原者不禁其論決也至官司故將見監不應赦之囚指赦而放免亦依故出人罪論

應入役而不入役言新到之囚病瘥不貼

役言見役之囚或謂應役不役應貼不貼

皆言監守之罪非也前日不入是指徒囚

後日不合是指監守之義甚明故註分別

言之蓋徒役有定限工課有定數不容虧

少不入役者倘未起算役限以後補前役

仍不缺故律責囚之遲緩而監守無縱容

之心也不令貼役則將虧其虧少工役矣

故罪坐監守囚仍貼役也

按徒流入逃律故縱者同罪此亦故縱而

糾罪不同蓋彼曰逃是縱之使去而不返

也此曰逃回是縱之回家以縱役耳彼之

逃者則曰限日追捕此之逃回則曰仍拘

徒囚追捕與仍拘字義分別甚明故縱雖

同而逃與逃回各異故監守止抵充徒役

逃回徒囚雖依律論罪止令貼役而不從

新拘役本犯罪輕則故縱之罪亦輕也

依律論罪則依徒流入逃律也論罪則役

徒囚不應役

凡鹽場鐵冶拘役徒囚應入役而不入役及徒

囚因病給假病已瘥可不令計日貼補役者

其徒囚與監守者各過三日笞二十每三日加一等罪

止杖一百○若徒囚年限未滿監守之人故

縱逃回及容令雇人代替者照依囚人應役

滿戶日抵數徒役其監守雖多並罪坐所由縱容之人

受財者計賊以枉法從重論仍拘徒囚之逃回雇

替者依律論罪計日論其逃雇之罪貼役貼補其逃雇之役

者依律論罪計日論其逃雇之罪貼役貼補其逃雇之役

兼承逃回舊籍二項言

受財上無圖是止承本節故縱容令者言
妻釋云任承上言謂病痊不令積役安知
係受財之事所見亦是但律文則不然也
徒囚解鹽場鐵冶皆需罪之重者故雖患
病雇替仍必貼役以足徒限也

名例婦人犯罪應收贖決罰等項是問結
後斷決之事此條則事犯到官乃收問犯
罪婦人之通例也

前不應禁而禁律第六十此止笞四十箋

卷二十八

婦人犯罪

拘役拘管役使也凡發鹽場鐵冶內煎鹽
炒鐵之徒因應入役之日而不入役則徒
囚有贖役之罪徒囚因病給假痊可之後
監守不令貼役則監守有故縱之罪不入
役不貼役一二日勿論過三日並笞二十
加等至二十七日以上罪止杖一百○徒
囚逃回由於監守之故縱雇人代替由於
監守之容令故照依逃回所歇雇人所替
應役月日令監守之人抵充徒役並坐罪
所由故縱容令之人不徧及也受財而縱
容者計贓以枉法罪與本罪從重論仍拘
徒囚依律論其應得之罪貼補未役之日

凡婦人犯罪除犯姦及死罪收禁外其餘雜犯

責付本夫收管如無夫者責付有服親屬隣

斷獄

徒囚不應役

六十五

釋謂彼是無罪之人此是有罪之人故有
不同非但不應禁而禁者非必皆無罪之
人即雖是有罪者亦是此條婦人犯罪
除他故死罪之外但云其餘雜他則亦有
重刑輕禁若將輕罪犯婦捕誤收禁其處
豈反輕於誤禁重乎謂如所犯罪重
在男子應禁者誤禁婦人則用此律如所
犯罪輕在男子值不應禁者誤禁婦人應
仍用下產禁而禁律始得止平

按關殿臣墮胎下註子死辜外及墮胎九
十日之內者仍從本殿傷法不生墮胎之
罪此墮胎者亦照依科斷

孕婦犯罪重者保全其胎未產拷決而墮
胎與未產而決者同一殺其腹中之子也
乃因拷而墮者減凡關三等應杖一百未
產而決者則杖八十豈因婦人犯死罪而
輕之乎

曰失者各減三等則第三節是明知故犯

里保管隨衙聽候不許一概監禁違者笞四

十○若婦人懷孕犯罪應拷決者依上保管

皆待產後一百日拷決若未產而拷決因而

墮胎者官吏減凡關傷罪三等致死者杖一

百徒三年產限未滿而拷決致死者減一等○

若準婦犯死罪聽令穩婆入禁看視亦聽產後

百日乃行刑未產而決者杖八十產訖限未

滿而決者杖七十其過限不決者杖六十○

失者失於誤審而犯者各減三等兼上文諸款而言

如不應禁而禁笞

一十懷孕不應拷決而拷決墮胎杖七十致死者杖七十徒一年半產限未滿而拷決致死者杖六十徒一年及犯死罪不應刑而刑未產而決者笞五十未滿限而決者笞四十過限不決者笞三十

男女有別婦人一入閤園便玷名節故非犯姦及死罪槩不監禁犯姦之罪雖有不得而寡廉鮮恥已非全人死罪重情不得不慎故聽收禁其餘一切雜犯不論輕重皆責付本夫親屬隣佑管保即可無虞逃遁所以別嫌疑而保其名節也當該官吏違此律者笞四十○懷孕拷決慮傷其胎產後未滿百日則血氣未足不能勝刑故不拷決拷者鞠問時用刑拷訊決者發落時決罰所問罪名也若孕婦未產而輒加拷決因而墮胎者減凡鬪傷墮胎之罪三等致死者杖一百徒三年產後未滿百日

而拷死致死者減一等杖九十徒二年半
○若孕婦犯死罪則聽穩婆入視母犯死
罪子則無辜故當行刑者必待其產後并
乳所生之子已滿百日子可哺食續命然
後行刑若未產而決者杖八十限未滿而
決者亦杖七十僅輕一等意在保全其子
故特嚴其法耳不然罪本應死法當行刑
豈必待其血氣充足乎既保其胎於生前
復全其子於產後仁之至也其過限不決
則非法矣故亦杖六十○失者未經詳審
錯誤也各減一等通
承上言註內甚明

條例

一未產拷決不墮胎及產限未滿拷決不致死
者依不應輕律

一婦女有犯姦盜人命等重情及別案牽連身
係正犯仍行提審其餘小事牽連提子姪兄
弟代審如遇虧空累賄追贓搜查家產雜犯
等案將婦女提審永行禁止違者以違

制治罪

死囚覆奏待報

凡死罪囚不待覆奏回報而輒處決者杖八十
若已覆奏回報應決者聽三日乃行刑若限
未滿而刑及過三日限不行刑者各杖六十

○其犯十惡之罪應死及強盜者雖決不待時若於禁刑日而決者笞四十

人命至重雖已擬議死刑之罪囚臣下亦不得自專必覆奏以取上裁若不待覆奏回報輒擅處決者杖八十雖已奏報應決猶聽三日恐有寬宥之後命也未滿三日而卽刑則傷於迫已滿三日而不刑則失之緩故各杖六十○其應決不待時罪囚若於禁刑日處決者笞四十

條例

一直省人命強盜將全招開列奏疏內其反叛案內人犯決過卽行題報餘槩於年底彙奏

一凡遇

慶賀穿朝服及祭享齋戒封印上元端午中秋
重陽等節每月初一初二並穿素服日期俱
不理刑名四月初八日不幸牲亦不理刑名
內外一體遵行

斷罪不當

凡斷罪應決配而收贖應收贖而決配各依出
入人罪減故失一等○若應絞而斬應斬而
絞者杖六十

此指故者
言也若係

失者減三等其已處

此已決訖是絞斬無錯者也殘毀必非官司之事乃無親屬收掩為讎家或姓育所殘毀其

緣坐人無罪可論其出入故曰以流罪也

緣坐人有應遷徙者故比擬定之

曰應入官而放免不自應放免而入官別

云若應入官者緣坐人雖不應入官恐

他有應聞別罪者不得概云放免也律文

之審如此

決訖別加殘毀死屍者皆五十讎人砍毀其屍依別加殘

○若反逆緣坐人口應入官而放免及非

應入官而入官者各以出人流罪故失論

若係有故則以故出入流罪論無故

而失於詳審者以失出入流罪論

問擬罪名已定決配收贖各依右例之法

若應決配而收贖以出之應收贖而決配

以人之各依出入人罪減故失一等係有

心故犯則照故出入人罪係無心失錯則照

失出入減也○絞斬雖皆死刑亦有輕重

之別若應絞而斬應斬而絞者杖六十此

指故犯者言也若一時失錯者減三等皆

三十其或絞或斬已決訖而別加殘毀者

皆五十○若反逆緣坐人口應入官而放免及非應入官而入官者各以出人人罪

罪故失論或故或失分別科之此
以逆緣坐更重於罪因故不減等

條例

一凡苗夷有犯軍流徒罪折枷責之案仍從外
結抄拍送部查核其罪應論死者不准外結
亦不准以牛馬銀兩抵償務按律定擬題結
如有不肖之員或隱匿不報或捏改情節在
外完結者事發之日交部議處其一切苗人
與苗人自相爭訟之事俱照苗例歸結不必
繩以官法以滋擾累

一曾為職官舉貢生監人等有犯發遣者引例時不得加以為奴字樣

吏典代寫招草

凡諸衙門鞫問刑名等項

必據犯者招草以定其罪

若吏典

人等為人改寫及代為招草增減

其正實

情節

致官司斷

罪有出入者以故出入人罪論若犯

人果不識字許令

官在

不干礙之人

依其親代具招情

寫

若吏典代為即罪無出入亦以違制論

問刑定罪必憑招草而服罪招草必令犯人自寫若吏典人等將犯人自寫之招草

曰吏典人等則凡在官之人皆不許也吏典未有無故而為之增減者若有妄財者應以枉法從重論

刑部之改爲及爲之代寫於中增減其殺
供情節以致斷罪有出入者按其所增減
事情以故出入人罪論犯人不識字則令
於事無所干涉之人代寫吏典人等則不
許也

條例

一各有司讞獄時令招房書吏照供錄寫當堂
讀與兩造共聽果與所供無異方令該犯書
供該有司親自定稿不得假手胥吏致滋出
人情弊如有司將供詞輒交經承致有增刪
改易者許被害人首告督撫察實題參將有

司官照失出入律議處經承書吏照故出入
律治罪受財者計贓以枉法從重論

分送

按漢作興律以擅事財之曰興擅
仍曰興擅是以後或曰擅興或曰興擅
至明日營造據唐律酌定凡工作之事
皆繼焉 國朝因之

大清律集解附例卷二十九

秀水沈天易先生原註

武林洪印緒阜山甫重訂

工律

營造

擅造作

凡軍民官司有所營造應申上而不申上應待

報而不待報而擅起差人工者即不科各計

所役人雇工錢每日八分五釐五毫以坐贓致論○若

首飾之營造於法於時皆無所礙特以不
申請待報耳而即坐贓論果者恐與頭民
官司以專擅之權致有假公濟私因而擾
累軍民之事此立法意也

止計工錢不言物價者蓋既不申請待報
而或有損失物係在官者自有那核公用

法條欽民者日行四公料欽法也

財物人工合用多而估少未免剝削於人

合用少而估多未免虧損於官皆不實也

下已損已費則單言用少估多也

各併計者以所損費之物領工錢併作一

算總算該數若干也

此計料不實乃無心之過而賊非入已若

有心冒使而入已者自有冒破物料條

非法

所當為而輒行

營造及非時

所可為而輒行

起差人工

營造者

雖已申請得報其計役坐贓之罪亦如

不申上待

報者坐

之

○其

軍民官

城垣坍塌倉庫公廨損壞

事勢所不

客一時起差丁夫軍人修理者

雖不申上待報不為擅專

不在此

坐贓論罪之

限○若營造計料申請

合財

物及人工多少

之數於上而

不實者笞五十若

因

請不實以少計多而

已損財物或已費人工

各併計所損物價及所費雇工錢

罪重於笞五十

者以坐贓

致罪止杖一百徒三年

罪論贓不人已故不還官

有所營造如創建倉庫學校橋梁堤岸之類皆公事也事雖當爲時可營造亦必先將應令興作工役緣由申請上司並處待報而行若不先行申請卽申請而不待報輒擅起人工營造者各計所役過之雇工錢爲贓坐贓論以其專擅也○非法謂所不當爲之事也非時謂非農隙及水旱之歲也非法之役惡其傷財非時之役惡其害民政亦計役過之雇工錢爲贓坐贓論也○其城垣倉庫公廨有坍塌損壞勢須卽時修理不可以差待者也按一時起差民間丁夫所部軍人修理者其事與營造之創始者不同不在申上待報非時起差之限○若有所營造其估計合用材料工役務須得實如申請財物及人工合用少而稱多其數不實者答五十此但申請不實尚未至僞費者言也若財物已損人工已費則除合用之實數外各併計所損物

價所費工錢爲贓坐贓論罪重於笞五十者從坐贓罪科之輕則仍笞五十

條例

一凡在京各處修理工程工價銀五十兩以內物料銀二百兩以內者照依各處印文准其修理其工價銀五十兩以上物料銀二百兩以上者著該處料估啟奏工部差官覆核會同該處官員首領監修將用過錢糧著管工官名下銷算如多用錢糧不行啟奏即便承修者將行文與承修堂司官交與該部議處

若物料工價甚多而分爲幾段陸續行文俱稱五十兩以內不奏者查出亦交與該部議處

一凡修理

行宮并各省倉廩等項工程一應動用錢糧事件令該督撫奏

聞該部議覆再行修理工完之日督撫親自查明倘有開報浮多據實核減造冊具題該部詳核題銷如有不行啟奏擅自咨部請銷而該

部據咨完結者卽行題發交該部議處

一凡各省修建一應工程如物料價銀五百兩以上工價銀二百兩以上者該督撫將動支銀兩及工料細數預行確估題報工部查明定議會同戶部指定欵項題覆准其動用興修俟工竣之日督撫親自查核造冊題報工部核明准銷仍知照戶部查核其物料價銀五百兩以下工價銀二百兩以下者該督撫咨明工部定議知照戶部令其動項興修工

竣逐一造冊題銷倘有需用物料工價甚多而分爲幾處陸續咨報並未題明亟行修建者查出題叅其有應動用存公銀兩者該督撫將確估工料細數咨報工部查明知照戶部准其動用工完造報工部將准銷銀數造入該年存公冊內咨送戶部查核

一緊急工程不及先行料估核算者酌量工程之大小預發錢糧派員修造俱以領銀之日起限如物料工價二百兩以內者限一箇月

五百兩以內者限兩箇月一千兩至二千兩以內者限三箇月三千兩至五千兩以內者限四箇月如式完竣工竣之後限十日內呈遞銷算清冊限十五日該司核算呈堂如不遵定限完工及工竣之日不照限呈遞清冊或已遞清冊該司不據實核算者照例分別議處如管工官或有限期已屆修理未完而因避處分捏報工竣者另行指叅交部議處其工竣核銷如有應繳銀兩不卽交庫完結

者將該員參革照例勒限催追限內全完惟
其開復逾限不完照侵蝕正項錢糧例治罪
仍著落家產追銀還庫該司官員扶同徇隱
並交部議處

一各省委員修理城工督撫布按每人各管一
處若城工有數處者則令分管一二處者則
令挨管如有修築不堅三年之內傾圮者著
承修之員與專管之上司分賠倘上司因干
係已身賠修故意隱匿者一經發覺責令專

修並交部治罪

虛費工力採取不堪用

凡官役使人工採取木石材料及燒造磚瓦之

類虛費工力而不堪用者其役使之官司計及工匠人役並言

所費雇工錢坐贓論罪止杖一百徒三年若有所造作

及有所毀壞如拆屋壞牆之類僥慮不謹而誤殺人

者官司人役並以過失殺人論採取不堪工匠提

調官各以所由經手符掌之人為罪不得濫及也若誤傷不坐

役使人工而採取燒造之物不堪用是虛費矣計所費工錢坐贓論罪不言追賠還

以物料工錢併作一處通算其數故曰各併計

造作不如法

官者以所役使之入非係在官之人採取燒造雖不堪用而彼已為所役實費其力也若剗新而有造作及廢舊而有所壞壞一時備慮不謹而誤殺人如墮墜墮壓之類以過失殺人論依律收贖給付死者之家營葬以上採造不堪用造毀誤殺人其役使之工匠提調之官司各以所由致此之人坐罪不濫及也但言誤殺而不言誤傷者以所為之事皆係公家之事備慮不謹由於無心之誤而人命為重誤殺則收贖過失誤傷同可勿論也

凡官造作官房器不如法者笞四十若成造軍

器不如法及織造段疋粗糙絨薄者物尚各

御用之物加二等承上笞四十五坐贓論三項註坐贓罪三字者謂應坐贓論者亦加二等改下又註曰罪止流二千五百里

百

按此均償物價工錢指不堪用及應改造者言也若物尚堪用不須改造雖不如法而物料工錢未至虛費也何賠償之有

局官者專司職掌之官也提調者監督

理之官也

前條計料不實以致損費者俱坐罪不追

贖此則並均賠物價工錢其法不同有損

計料出於應處恐心思有所不到造作本

有成本非智力之所不逮也

管五十若

造作織造各不堪用及稍不應如法甚至全

不堪用及

稍不應堪用

再改造

而後堪用

者各併計所損財物及所費屋

工錢罪重

於笞四十五

者坐贓論

罪止杖一百徒三年

其應

供奉御用之物加

坐贓罪

二等

罪止流二千五百里

工匠

各以所由

造作織造之人

為罪局官減工匠一等提

調官吏又減局官一等

以上造作織造不如法不堪用等項

著工匠局官提調官吏

均償物價工錢還官

不如法謂大小長短不合於法即王制所

謂不中度量也凡一應造作不如法者笞

四十而軍器段正則笞五十又造作中之

重者也然雖不如法與粗穢無備皆堪

用不必更造也若全不堪用及應改造者各併計所損過財物所費過工錢爲賊坐贓論罪重於笞四五十者從坐贓科斷輕則仍依本法至於應供御用之物又與他用之物不同所當敬謹盡心力而爲之者若有不如法者加二等或加至杖六十或加至七十不堪用及應改造者計所損費爲賊重於杖六十杖七十者坐贓加科罪止杖一百流二千五百里以上罪名各坐經該造作織作之工匠不棄及也該管局官減工匠之罪一等提調官吏又減局官罪一等其不堪用及改造者並令所由工匠局官提調官吏均償所損費之物價工錢還官

條例

一凡打造弓箭擅改式樣貨賣者笞五十

此與計料不實者相似而不同彼是不備
私意但一時錯誤耳此是因欲入已故重
多破也若不入已則必由錯誤故註云只
坐計料不實之罪也

冒破物料

凡造作局院頭目工匠

有於合用數外虛冒

多破物料而

欺

入已者計入

賊以監守自盜論

不分首從併賊論罪

至四十兩斬

追物還官

若未入已只坐以計料不實之罪

○局官

併承

覆實官吏知情扶同

捏報不舉者與破同罪

同罪

至死減一等

失覺察者減三等罪止杖一百

多破者於合用正數之外虛冒多開破費
財物也凡各局院頭目工匠有所造作而
冒破物料侵蝕入已者計其入已之賊以
監守自盜論所侵之物照追還官頭目乃
專管造作之人工匠乃親身造作之役欺
公冒破與監臨官自盜財物無異也○

止言局官不言院考省文也覆實者謂局院官報銷又委官查勘其報銷之數是否得實也本局院官并覆實之官吏知其具破之情而扶同不實者與犯人同罪至死減一等杖一百流三千里但失於覺察者減犯人罪三等罪止杖一百

條例

一直隸各省督撫將軍提鎮所轄各標營等衙門收貯軍器經上司官查盤若有侵欺物料那移掩飾虛數開報者俱以監守自盜論賊重者照侵欺倉庫錢糧例治罪該管官不查報并失察之上司官俱交該部照例分別議

處

一河工估計工程總河及該督撫分司委員確
查工段丈尺椿埽料物如果與所估物料數
目相符核實具題發帑興修如估計過多物
料數目不符查出卽行指參承查之員扶同
徇隱交部議處至完工之日再行確查如工
程遲滯物料尅減錢糧不歸實用以致修築
不堅固將承修之員立卽叅究分別入已不
入已定罪侵冒銀兩勒限追賠

一直屬搶修等工每年應需物料務于八月內
預動銀兩給發購辦按照漕規價值據實秤
收毋許重收累民十月照額辦足交工取具
並無短少印甘各結存案倘承辦之員限內
不能如數辦足將料物秤收短少希冀掙餘
并將舊爛物料攙入或經廳汛印官于互相
秤收之時查出揭報或經該督訪聞立即嚴
叅議處如過期發銀購辦遲滯分別查叅其
上年餘剩物料該管河道查盤實數出具並

無虧空印結呈報倘盤查缺少扶同徇隱及有霉爛侵虧等弊即將文武汛員與盤查不實之上司一并叅處照數分賠補項

一各省修造標營船隻著道員副將會同領價道員遴委同知通判副將遴委都司守備協同辦料修造如係將軍標下船隻卽遴委叅領以下等官同領同辦倘承修之員修不如式貽誤軍工以及監驗查收之員需索指勒并船上什物不卽交代清楚兵丁私行盜賣

以致短少殘缺者該督撫等即將該管將弁
指名題參其頭舵人等照例治罪分別查追
如該管上司不行查察故爲徇隱一經發覺
照例議處

一 浙省修築塘工估需銀兩飭令承修之員專
案請領不得混併領亦不得通融那用領
銀之後將辦過物料數目申報上司委員查
驗如堆貯物料與所報相符承查之員加具
保結申詳貯用倘有虧缺及那移揜飾情弊

卽行揭參查驗官扶同徇隱一併參處至各塘保固限內如有坍塌卽著落承修之員賠修若遇有異常潮汐委非人力可施查明工程堅固儲糧俱歸實用者准取結保題免其賠修如物料有簡工程草率錢糧不歸實用致有衝塌照例題參著落賠修

一豫省應修水利地方有動用帑項者承修各員果能實力辦理俟保固三年之後該督撫核題並交部分別議敘倘有不預行修築以

致田畝被淹即將各員交部分別議處若侵蝕錢糧工程不能堅固承修之員照侵欺河工錢糧例參革治罪該管各官徇隱不報俱照例處分

一凡各省修建工程所需物料該督撫等轉飭承辦各員不必拘泥各省從前造報物料定價悉照時價確估造報工竣之日另行委員查勘并取具並無捏飾印結詳報該督撫等確訪時價詳細核明據實題咨工部再行核

銷倘承辦各員浮開捏報卽照冒銷錢糧例
指叅所委各員查驗不實照扶同徇隱例叅
處

帶造限

凡監臨主守官吏將自己物料輒於官局帶造
限正者杖六十限正入官工匠笞五十局官
知而不舉者與監守同罪亦杖六十失覺察者減
三等則笞三十若局官違禁帶造監
守官吏亦坐不舉失察之罪
以官局而帶造私用限正雖係自己物料
而既有帶造必誤官程以私累公故杖六

十所帶造之段疋入官工匠等五十局官雖微亦當守職若知其帶造而不舉首者與同杖六十之罪失於覺察者減三等

織造違禁龍鳳文段疋

凡民間織造違禁龍鳳文紵絲紗羅貨賣者杖

一百段疋入官

若買而帶用者杖一百
徒三年未用者笞三十○機

戶及挑花挽花工匠同罪

亦杖一百

民間織造違禁段疋貨賣即是違制矣故杖一百段疋入官○機戶及挑花挽花工匠同杖一百之罪

造作過限

工律

營造

織造違禁龍鳳文段疋

凡各處

每年

額造常課段足軍器工過限不納齊

足者以

所造之數

十分為率一分工匠管二十每

一分加一等罪止管五十局官減工匠一等

提調官吏又減局官一等○若官不依期計

撥

額造物料於工

者局官管四十提調官吏

減一等

工匠不坐

額造有定數常課司限期過限不納齊足則工匠遲慢之也以額造之數十分為率一分管二十加等至四分以上罪止管五十局官提調官吏亦有不督催之咎局官減一等一分管一十至四分管四十罪止矣提調官吏又減一等通減二等一分

不後修者答四十因損壞官物者依律
科罪若謂係戶律損壞倉庫財物係計
所損之物半雖論者若以賠償官註曰官
四十時即本律不移修之罪也按彼是主
守之人安置不知法贖賒不以時察有損
壞全由人事所致故其罪重此是不即修
係因損壞倉庫而并及官物半由人事半
出不虞與否蓋不如法贖賒不以時者有
關則止坐本律之咎似合律意且賠償所
損之物語實亦與彼律不類也

修理倉庫

減盡無利二分答一十至四分答三十是
止矣○者不依期會計派發物料與工匠
以致過限則非工匠之過限局官答四十
十提調官吏減一等答三十工匠不坐

凡各處公廨倉庫局院一條官房舍非文卷

外內但有損壞當該官吏隨卽移文所有司

計修理違者答四十若因不請而損壞官物

者依律科以答四罪賠償所損之物還若該

官吏移文有司而不快即修理者罪坐有司

亦答四十損壞官物亦
追賠償當該官吏不坐

營造修理倉庫

公廨倉庫局院一應係官房舍各有經營
官吏卽各有收掌之物而修理則有司之
事也但有損壞之處當該官吏不修或
司修理者皆四十因不移修而損壞所貯
官物者依律科罪仍賠償所損之物若已
移文有司而有司失誤不修理者當該官
吏應得之罪
皆坐有司

條例

一各省營房墩臺該管地方文武員弁會同協
辦修造完竣嚴督兵丁加謹守護如遇坍塌
立即報明印汛各員公同查勘修理造入交
代於離任時取具接任官印結詳報該管上

司查核存案倘平日不隨時修葺以致坍塌
經後官詳揭卽行題參著落印汛員弁分認
賠修如去任員弁無力賠修文員卽著落不
嚴查之道府賠修武弁卽著落不嚴查之將
備賠修如兵丁作踐拆毀嚴懲責革著落汛
弁獨賠如汛弁無力卽著落該管將備分賠
至交代之時後官如有勒指濫接等弊該管
上司查實亦卽題參交部議處

有司官吏不住公廨

公用器物即官物也埋沒即乾灰之義謂
 埋沒於地而私竊為己有也但器物原
 係官吏之用非監守官物之比不得即坐
 以監守自盜而酌科以毀失官物既為埋
 沒即同毀失而與失原准竊盜計贓論罪
 隱其盜之名以存厚科以盜之罪以盡法
 其意甚微

戶律聚賭器物係賭條聚賭為一等遺失
 誤毀為一等此以毀失並言則應依遺失
 誤毀矣註以聚為聚聚失為遺失但既埋
 沒無存何由分毀與失俟考

凡各府州縣有司官吏不住公廨內官房而住

街市民房者杖八十○若埋沒公用器物

失而不還者以毀失官物論毀者計贓准竊盜
加二等免刺失者

依減毀官物
三等追賠

有司官吏必住公廨所以嚴出入慎關防
 也舍公廨而住民房則有縱放之意故杖
 八十○公廨內公用器物非官吏所
 得私也若埋沒者以毀失官物論

條例

一凡各省督撫提鎮及有屬員等官到任其屬

員派累兵民修理衙署備辦鋪設及州縣守

禦等官到任其屬下人役豫爲鋪設修理衙署派及兵民并官員每年指稱添換器物修飾衙署派累兵民者該管上司卽行指實題叅文員照科斂律治罪武弁照尅扣律治罪如該上司徇庇不叅或勒令屬員修理衙署添換器物發覺之日將該上司一併交部分別議處再官員陞任或去任除自置器皿外署內一應物件俱著清載簿籍移交接任官員倘將在官物件被家人毀盜將家人照毀

盜官物律治罪其毀盜物件者落舊任官贖
數賠補

歷代熱河防務明取唐雜律中所載
為此篇 國朝因之

大清律集解附例卷三十

秀水沈天易先生原註

武林洪印緒皋山甫重訂

工律

河防

盜決河防

凡盜決官河防者杖一百盜決民間圩岸陂塘

者杖八十若因盜決而致水勢漲漫毀害人家及漂失

財物渰沒田禾計物價重於者坐贓論罪止杖一

致決之下注日或取利或挾仇而解者逐
謂盜決者或決水入田以資灌漑或決水
他流以免淹浸不過求濟于已而無害入
之意故其罪輕於決者貪取水利則不顧
害人為殃仇恨則專欲害人故其罪重
釋讀其亦云其論係認按盜者違禮而失
之不致使人知也故者公然而決之不使
其人知也犯盜竊盜之別罪之輕重由此

論定不在害人不害人也河防係在官築防之堤岸陂塘係民間水利之業盜決河防則害及于官盜決岸陂塘則害及于民且與人有仇而欲害之者更必私下密決不使人知何謂盜決無害人之意取利挾仇之註雖在故決之內而實兼盜決言之也

謂人之物其情猶輕害及人身其情為重盜決殺傷減開殺傷一等謂殺傷由于盜決而終與身自殺傷者有間也故決殺傷即以故殺傷論謂殺傷由于故決則即其故殺傷矣

兩殺傷人入半之說不分何項皆見若係親屬各依殺傷總論

百徒三年因而殺傷人者各減開殺傷罪一等

承河防圩岸陂塘說若或取利故決河防者杖一百徒三年故決圩岸陂塘減二等漂失

計所失物價為贓重徒者佳竊盜論罪止杖一百免刺因而殺

傷人者以故殺傷論

河防者河之堤岸凡江河近處為堤以防泛溢者皆是不厚為濶運言也盜決者杖

一百圩岸者低田之岸障水以作田者也陂塘者湖濶之類蓄水以溉田者也盜決者杖八十若因盜決河防與圩岸陂塘而

殺害人廬舍漂失人財物沒入田禾計所值物價為贓生贓論罪重于杖一百杖

八十者照坐贓罪科之輕則仍坐盜決本

論

罪因而殺人傷人者雖為本所殺傷而實由于盜決故各減兩等殺傷罪一等若係故決則河決杖一百徒三年岸險塘減二等杖八十徒二年漂失二字兼殺害人家漂失財物沒田禾三句而言省父也計所失物價為贓准竊盜論罪重于徒三年與減二等者照竊盜科之至死減一等免刺輕刑仍坐故決本罪因而殺人傷人者雖為本所殺傷而實同于有意故以故殺傷論殺者斬傷者依輕重科斷

條例

一故決盜決山東南旺湖沛縣昭陽湖蜀山湖安山積永湖揚州高寶湖淮安高家堰柳浦灣及徐邳上下濱河一帶各隄岸併阻絕山

東泰山等處泉源有干漕河禁例軍民俱發
邊衛充軍其開官人等用草捲閘閘板盜泄
水利串同取財犯該徒罪以上亦照前問遣
一河南等處地方盜夾及故決隄防毀害人家
漂失財物淹沒田禾犯該徒罪以上軍民俱
發邊衛充軍

一凡黃河一年之內通河三年之內隄工陡遇
衝決而所修工程實係堅固於工完之日已
經總河督撫保題者止令承修官賠修四分

其餘六分准其開銷如該員修築錢糧俱歸
實用工程已完未及題報而陡遇衝決者該
總河督撫將衝決情形并該員工程果無浮
冒之處據實保題亦令賠修四分其餘俱准
開銷如黃河一年之外運河三年之外隄工
陡遇衝決而該管各官實係防守謹慎並無
疎虞懈弛者該總河督撫查明具題止令防
守該管各官共賠四分內河道分司知府共
賠二分同知通判守備州縣共賠一分半縣

丞主簿千總把總共賠半分其餘六分准其
開銷其承修防守各員俱令革職留任戴罪
効力工完之日方准開復倘總河督撫有保
題不實者後經查出照徇庇例嚴加議處所
修工程仍照定例勒令各官分賠還項若河
員有將完固隄工故行毀壞希圖興修借端
侵蝕錢糧者該總河察訪奏

聞於工程處正法

失時不修隄防

凡不事先修築河防及雖修而失時者提調官吏

各笞五十若毀害人家漂失財物者杖六十

因而致傷人命者杖八十○若不事先修築圩

岸及雖修而失時者笞三十因而淹沒田禾

者笞五十○其暴水連雨損壞隄防非人力

所致者勿論

河道隄防關係民生至重若殘缺損壞而不及時修築則有潰決之虞及修築而失時則有妨農業提調官吏各笞五十若因而河決以致毀害人家漂失財物者杖六十而致傷人命為害大矣故杖八十○田間圩岸雖次於河防而農業所關亦民事可防失時不修隄防

之不可緩者若廢而不修修而失時者各
笞三十四而海漫田禾者笞五十○其
發之暴水經旬之連雨損壞隄防事
出不測非人力所能捍禦者勿論

條例

一凡運河一帶用強包攬閘夫溜夫二名之上
撈淺舖夫三名之上俱問發附近充軍攬當
一名不曾用強生事者問罪枷號一箇月發
落

一遇河工緊要工程如有浮議動眾以致衆力
懈弛者將倡造之人擬斬監候附和傳播者

杖一百卽於工所枷號一箇月其指稱夫頭
包攬代雇勒指良民者二名以上發附近充
軍一名者杖一百枷號一箇月發落

一楚省歲修隄塍如有指勒業戶將夫工包折
銀錢者照河工包攬閘夫溜夫撈淺舖夫例
分別名數定擬

一河工承修各員採辦物料如有姦民串保領
銀侵分入已以致虧帑誤工該總河將承辦
官叅究仍將虧帑姦民發該州縣嚴拿追比

倘有徇縱等情亦卽查奏交部議處其虧帑串保姦民審實照常人盜倉庫錢糧律計贓治罪應追銀兩逾限不完著落原領官名下追賠

一凡隄工宜加意慎重以固河防除現在已成房屋無礙隄工者免其遷移外如再有違禁增蓋者卽行驅逐治罪並將徇縱容隱之官弁交部分別議處

侵占街道

大日街小口巷自民馬關開而古道路自平路隙地而言其舊街巷亦道路耳
傳謂溫于界外也然全占者亦是

凡侵占街巷道路而起蓋房屋及為園圃者杖

六十各令

拆毀復舊其所居自
修築舊其已房屋

穿墻而出穢

汚之物於街巷者笞四十穿出水者勿論

城市通行之地曰街巷郊野通行之地曰道路街巷道路皆係官地若侵占而蓋房屋為園圃者杖六十各令拆毀修築以復其舊街巷宜于潔淨以便行旅若于自己臨街巷之房屋穿墻以出穢汚之物者笞四十仍令塞之水非穢汚自勿論也

條例

一在京內外街道若有作踐掘成坑坎淤塞溝

渠蓋房侵占或傍城使車撒放牲口損壞城

脚及

大清門前

御道基盤并護門柵欄

正陽門外

御橋南北木門月城將軍樓觀音堂關王廟等處

作踐損壞者俱問罪枷號一箇月發落

修理橋梁道路

凡橋梁道路府州縣佐貳官

職專

提調於農隙之

時常加點視修理

橋梁務要堅完

道路平坦若

務要

平坦若

損壞失於修理阻礙經行者提調官吏各三

十此原有橋梁而未修理者○若津渡之處應造橋梁而

不造應置渡船而不置者各四十

此原未有橋梁而應

造置者

橋梁道路務要堅完平坦利涉便民亦有司職業之事若不干農隙之時常加點視損壞之處失於修理以致阻礙經行者提調官吏各三十○若津渡之處無橋梁而不造無渡船而不置者各四十